

廣西通志卷第四十四

人物傳一名臣

余觀駝駱未郡於秦時風氣闕而仁賢隱
哉迨入版圖長孫世學於漢威彥封侯于具觀
冠倫于唐當世名德于宋施及于今鴻材彙
天朝儀羽蓋翩翩如也雖中州何以加焉在昔有
土沮漆而民初生即為鞠而齒屢繁譽髦人之
後疏附牙叔諸臣出詩曰思皇多士生此王國
呼作人若是乎其難也而況去天萬里教之弗
者耶孟子謂豪傑之士雖無文王猶興是可以論

此邦之賢矣

漢陳元字長孫蒼梧郡廣信縣人父欽習左氏春秋
事黎陽賈護與劉歆同時而別自名家王莽從欽
受左氏學以欽為厭難將軍元少傳父業為之訓
詁銳精覃思至不與鄉里通以父任為郎建武初
元與桓譚杜林鄭興俱為學者所宗時議欲立左
氏傳博士范升奏以為左氏淺末不宜立元聞之
乃詣闕上疏曰陛下撥亂反正文武並用深愍經
藝謬雜每臨朝日輒延群臣講論聖道知丘明至
賈親受孔子而公羊穀梁傳聞于後世故詔立

氏傳詢可否示不專己盡之群下也今論者沈
所習既守舊聞固執虛言傳受之辭以非親見實事
之道左氏孤學以與遂為異家之所覆尋夫至音
不合衆聽故伯才絕絃至寶不用衆好故下和泣
血仲尼聖德而不容於世況於竹帛餘文其為雷
同者固其宜也非陛下聖明其能察之臣元竊見
博士范升等又曰先帝不以左氏為絕故不置博
士後主所宜因襲臣愚以為若先帝所行而後主
必行者則盤庚不當遷于宋魯公不當營洛邑陸
下不當都山東也往者不可追來者不可及公羊衛太子

好教梁有詔詔大制定公事不備又教梁孝宣皇帝在人間時衛太子好書梁於是得學之及即位爲石渠論而教梁氏興至今與公事並存此先帝後帝各有所立不必其相因也孔子曰純儉吾從衆至於拜下則違之天明者不惑於朱紫聰者不誤於清濁故雖朱不爲巧眩移目即曠不爲新聲易耳方今干戈少弭戎事畧戢思聖藝眷顧儒雅採孔子拜下之義率淵聖獨心之旨分明白黑建立左氏解釋先聖之積結泚泚學者之累惑使基業垂於萬世後進無復狐疑則天下幸甚元

才高著名辟司空李通府時大司農江馮上言宜令司隸校尉督察三公事下三府元上疏曰臣聞師臣者帝賓臣者霸故武王以太公爲師齊桓以夷吾爲仲父孔子曰百官總已聽于冢宰近則高宗優任相之禮太宗假宰輔之權方今四方尚擾天下未一百姓觀聽咸張耳目陛下宜修文武之聖典襲祖宗之遺德分心下士屈節待賢誠不宜使有司察公輔之名帝從之宜下其議李通罷元復辟司徒歐陽欽府數陳當世事郊廟之禮帝不能用以病去年老卒于家子聖卿有文章

○養奮字叔高鬱林州人博通墳籍郡人重之以布衣舉方正和帝時策問陰陽不和或水或旱奮對曰夫有陰陽陰陽有四時四時有正令春夏則予惠布施寬仁秋冬則剛盛威行刑賞罰殺生各應其時則陰陽和四時調風雨時五穀升今則不然長吏多不奉行時令為政舉事干逆天氣上不恤下下不忠上百姓困乏而不卹眾怨鬱積故陰陽不和風雨不時災害緣類水者陰盛小人居位依公營私讒言誦上雨漫溢者五穀有不升而賦稅不為減百姓虛竭家有愁心也奮蓋一時名儒惜

莫能究其所終

○徐徵字君求荔浦人少有方直之行持節不撓通書傳尤明律令延熹五年山中郎為郡督郵時常侍唐衡豪富京師號為唐獨語言無所與較也遣賓客至蒼梧頗不循法度徵便收客郡市髡笞已乃白太守太守大怒收徵付獄主簿守閤懇白曰此人無故恃強買賣既侵百姓又汚婦女徵上念明政據刑申恥今不使治郡無復爪牙之吏後督郵當徒跣膝行奉諸貴戚賓客耳太守不得已釋之徵為人短小而果世以為智過其軀初明帝時

嶺表張重仲為者為日南計吏至京師帝訝其么
麼問之曰何郡小吏重仲對曰臣日南計吏非
小吏也陛下欲得其才耶抑將稱骨度肉也帝嘉
其善對後至道顯後居常以重自擬云

○申翺字元游蒼梧人性廉慎常著布襦布袴不事
綺紈然邑嘆慕之舉孝廉為九真都尉後擊狂賊
有功民頌其德其郡陸胤為廣州刺史著先賢傳
紀其事

○鄧盛字伯直蒼梧人不知其所以進仕為秭歸令
聞母病解印綬決去及歸母果亡居喪盡孝太尉

馬日殫嘉其所履服竟即辟之初入府為主簿
為太尉諸曹掾時彭城相尚以賍獲罪三府掾
請考驗踰年不竟更選盛舊務盛至獄洗沐尚解
獄賜席乃謂尚曰君受國重恩而所坐事理如此
今遇君子不可以對泰然也待尚感盛至意對曰
今使君相待如此豈出於死相歸乎即引
筆具對時人語曰以百婦誅重陶鄧盛公卿而下
皆禮重之

○士燮字威考蒼梧人先本魯國汶陽人至
王莽之亂避地

南太守燮少游學京師事穎川劉子奇治左氏春秋察孝廉補尚書郎公事免官父賜喪闋後舉茂材除巫令遷交趾太守體器寬厚謙虛下士中國士人往依避難者以百數疆場無事民不失業雖竇融保河西無以過也耽玩左氏春秋為之注解政少暇輒玩習書傳春秋尤簡練精微陳國袁徽數咨問傳中諸疑皆有師說意思甚密又尚書無通古今大義詳脩闡京師嘗與中書令荀彧書欲條左氏尚書長義上之其見稱於名流如此建安五年孫權遣步騭為交州刺史騭到燮率兄弟

奉承節度而吳巨懷異心騭斬之權加燮為左將軍嘗表請改交趾為交州詔從之建安末燮遣子奩入質權以為武昌太守燮與弟壹諸子在南省皆拜為中郎將燮又誘導益州豪姓雍闓等率郡人民使遙東附權權益嘉之遷衛將軍封龍編侯弟壹備將軍都鄉侯壹初辟舉為司徒掾黃琬甚器重之董卓作亂交州刺史朱符為夷賊所殺燮表壹領合浦太守壹弟鮪為九真太守武為南海太守兄弟四人並居列郡威震百蠻燮子奩仕吳為武昌太守自賜至奩父子兄弟並著名南土出

入車騎滿道夷人夾轂各焚香者常數千焉

贊曰漢世重經學左氏春秋乃傳在蒼梧丘明大

義賴以不泯陳元立朝論諍知君人大體非徒忠

鯁可仰且能蓋厥考事新之愆可不謂賢哉養奮

水旱封正色敢言醇於牽合災異者遠矣徐微不

畏強禦申朔廉慎有猷鄧盛淑問遠仇臯陶士燮

保障無媿竇融皆傑然類出者夷考其世掄材必

重清議察鄉行非上靈然亦曷以臻茲然計其內

屬中國時猶未久也賢之盛已若是誰謂粵無

人耶

唐趙觀文臨桂人乾寧二年狀元及第是年試觀入

文化成天下賦內出白鹿宣示百僚詩放進士張

貽憲等二十五人觀文第八被黜者訴不當乃重

試觀文遂魁多士相傳是時劉季述輩專橫觀文

以為許宰相崔胤意謝病歸或又謂宜然侍講

云褚載有實趙觀文重試及第詩一枝仙性兩回

筆冠群倫趙觀文重試及第詩一枝仙性兩回

見新今日事明者知利大能重燒轉

梁嵩平為人善聲律文辭唐同光中劉龔據嶺海
僭號漢唐取士如唐制白龍改元嵩舉進士第
一歷翰林學士時龔多奇政嵩求去嘗獻倚門望

子賦

蒼蒼茫茫遠望何處
別後莫忘心於遠方
遠望何處之動心於
遠望何處之動心於

迹迹

不返向上以觀其
帝都清登紫閣光
帝都清登紫閣光

何入

橋側登登日久
而請益正輪運
橋側登登日久

明我

每晨而既升雲
我則每晨而既升
每晨而既升雲

言歸

常曠望於烟霄
常曠望於烟霄
常曠望於烟霄

寂寂

兮舊室幾行鴈
寂寂兮舊室幾行
寂寂兮舊室幾行

心扉

開柳鬱之情恒
心扉開柳鬱之情
心扉開柳鬱之情

彼淹

留傷乎離索躑
彼淹留傷乎離索
彼淹留傷乎離索

恨之

蒼草徒榮滿眼
恨之蒼草徒榮滿
恨之蒼草徒榮滿

高深

念行役以難尋
高深念行役以難
高深念行役以難

心見

月而常憐獨坐
心見月而常憐獨
心見月而常憐獨

我思

惟憑蜀魄爾還
我思惟憑蜀魄爾
我思惟憑蜀魄爾

不受

請蠲一郡丁賦
不受請蠲一郡丁
不受請蠲一郡丁

贊曰

唐迄五代將四
贊曰唐迄五代將
贊曰唐迄五代將

文見

幾昏椽梁嵩察
文見幾昏椽梁嵩
文見幾昏椽梁嵩

其行

梗槩弗詳蓋付
其行梗槩弗詳蓋
其行梗槩弗詳蓋

世諺

謂狀頭為魏義
世諺謂狀頭為魏
世諺謂狀頭為魏

帝得

之其輕可知也
帝得之其輕可知
帝得之其輕可知

世登

瀛光寵然二人
世登瀛光寵然二
世登瀛光寵然二

故以

意逆而附會之
故以意逆而附會
故以意逆而附會

時止遣我日日望紅
塵未見此心終未已南漢主乃命歸奉母錫賚皆

不受請蠲一郡丁賦從之郡人感德立祠祀焉

贊曰唐迄五代將四百年載材輔何寥寥爾耶趙觀

文見幾昏椽梁嵩察身亂邦皆可請明且哲者然

其行梗槩弗詳蓋付度其時推重之云爾嘗考唐

世諺謂狀頭為魏義中尉仇士良至為裴思謙關

帝得之其輕可知也所授官大抵皆卑瑣非若今

世登瀛光寵然二人以馬翰林官豈因其為狀頭

故以意逆而附會之與竊自比於武城二三策之

未義定實疑焉

宋周渭字得正恭城人少學工為詩劉鋹據五嶺昭
州皆為所有收繁賦重民不聊生渭率鄉人六百
踰嶺將避北零陵不至賊起斷道絕糧復還恭城
則廬舍煨燼遂奔道州為盜所襲渭脫身北上建
隆初至京師薛居正器遇之上書言時務召試賜
同進士出身釋褐為主簿縣大吏犯法渭即斬
之太祖奇其才擢右贊善大天時魏帥符彥卿郊
迎渭揖于馬上就館始與相見畧不降屈有盜傷
人而逸渭捕獲并匿者按誅之不以送府乾德中
通判興州領置寨多賊大監軍傲根縱其下為

暴居人共之渭馳往諭以禍福斬其軍校衆皆懾
服命兼本寨鈐轄開寶元年鳳州七房
主帥名隱官銀擇渭往代歲課數倍賜緋魚遷
渭為繁以聞命械送關下鞠得實斬于西市渭在
繁以聞肅稱及遷吏民遮道泣留詔賜錢百萬太
宗二年擢廣南轉運使同初渭之入中原妻
山恭城開寶三年平廣南詔昭州訪求賜錢米
存恤之及是渭始還故里鄉人以為榮渭奏去劉
鋹時稅弄之繁者重定田賦興學校遷殿中丞

有... 交將逗遛無功有二敗卒懷甲先至邕
州... 劉涓捕斬... 悉令解甲以入訖無
敢死移書交趾諭朝廷威信將魁子再舉黎桓懼
即遣使入貢就加監察御史在漢南七六年徙知
揚州進殿中侍御史改兩浙... 西路轉運使入為
鹽鐵判官遷侍御史歷判戶部度支二局院出知
亳州賜金紫... 宋州加職方員外郎為益州轉
運使坐從子違詔市馬... 為彰信軍節度副使咸
平二年真宗聞其清節召遷將復用詔下而卒年
七十七上聞其貧不克葬... 錢十萬以其子建...

為樂民王簿本傳

○... 元佃清遠軍融州太平鄉人... 著年岐嶷異俗
人以神董下之既弱冠充... 庫牙子員九子史百
家過自成誦登宋... 寶六年... 上... 御史忠
言... 進... 無避權... 正論... 仇... 人... 無... 言京師
... 牙為直御史... 特... 比... 虜... 屢... 犯... 邊... 三... 上... 疏... 奏... 之... 進
... 騎尉知... 州... 軍州... 事... 時... 詔... 遷... 將... 主... 事... 令... 少... 安... 殺
... 及... 愉... 情... 不... 城... 悉... 懲... 以... 法... 已... 經... 度... 法... 法... 刑... 以... 舊... 帝
... 領... 之... 者... 以... 威... 名... 始... 於... 御... 火... 特... 也... 既... 而... 世... 若... 建... 祿... 總
... 管... 兼... 勳... 業... 公... 事... 使... 必... 善... 建... 業... 內... 外... 倚... 重

馬進賢... 夫檢校太子... 三十餘
以身殉國... 無不言言... 無不盡善... 凡三
... 復... 乃... 建... 祿... 大
... 柱... 國... 紫... 金... 銀... 袋... 收... 什

○玉... 則... 承... 福... 人... 太平... 興... 國... 八... 年... 狀... 元... 及... 第... 一... 試
... 六... 日... 為... 家... 賦... 驚... 時... 上... 林... 詩... 文... 武... 雙... 舉... 論... 說... 一... 二...
... 有... 七... 人... 次... 第... 時... 幸... 金... 明... 池... 乃... 宴... 世... 則... 等... 於... 池... 中... 苑...
... 進... 其... 幼... 童... 子... 此... 始... 世... 則... 所... 居... 前... 臨... 長... 江... 後... 以... 華... 蓋...
○山... 松... 松... 前... 太平... 興... 太平... 忽... 有... 鳳... 凰... 來... 集... 於... 其... 前... 引...
雙... 雛... 去... 後... 獲... 來... 巢... 下... 鑿... 得... 玉... 以... 獻... 皇... 今... 玉... 也

存... 秋... 冬... 泉... 不... 竭... 因... 名... 山... 曰... 鳳... 巢... 淳... 祐... 初... 世... 則... 以... 右
正... 言... 使... 交... 州... 還... 朝... 條... 事... 迹... 及... 山... 川... 形... 勢... 上... 之... 進... 直
史... 館... 與... 尹... 黃... 裳... 馮... 拯... 等... 伏... 闕... 請... 立... 皇... 太... 子... 由... 是... 罷
館... 職... 知... 象... 州... 隸... 州... 史... 作... 隸... 州... 史... 作...

○馬... 京... 字... 當... 世... 宜... 山... 人... 父... 商... 生... 京... 少... 雋... 邁... 不... 群... 舉... 進
士... 自... 鄉... 舉... 禮... 部... 以... 至... 廷... 對... 皆... 第... 一... 時... 猶... 未... 娶... 張... 堯
佐... 方... 負... 宮... 掖... 勢... 欲... 妻... 以... 女... 擁... 至... 其... 家... 東... 以... 金... 帶... 曰
此... 上... 意... 也... 頃... 之... 宮... 中... 持... 酒... 殺... 來... 直... 出... 奩... 具... 目... 視... 之
京... 笑... 不... 視... 力... 辭... 出... 守... 將... 作... 監... 丞... 通... 判... 荆... 南... 軍... 府... 事... 還
直... 集... 賢... 院... 判... 吏... 部... 南... 曹... 同... 修... 起... 居... 注... 兵... 充... 以... 論... 溫

成皇后追冊事出知高郵京疏充言是不當黜劉
抗請併斥京仁宗曰京亦何罪但解其記注放復
之試知制誥避婦翁富弼當國嫌拜龍圖閣待制知
揚州改江寧府以翰林侍讀學士召還糾察在京
刑獄為翰林學士知開封府數月不詣丞相府韓
琦語弼以京為傲弼使往見琦京曰公為宰相從
官不妄造請乃所以為公重非傲也出安撫陝西
請城古渭通西羌喃氏昇木征官以斷夏人右臂
除端明殿學士知太原府神宗即位復為翰林學
士改御史中丞王安石為政京論其更張失當累
數千百言安石指為邪說請黜之帝以為可用擢
樞密副使河東麟府豐三州城壘兵械不治官吏
皆受譴京以先帥本道上章自劾曰使諸路帥臣
知雖一時脫去後能僥竊名位者猶必行法將不
敢復媮惰曠職優詔不聽進參知政事數與安石
論辨又薦劉攽蘇軾掌外制安石令保甲養馬京
謂不可行會選人鄭俠上書言時事薦京可相呂
惠卿蓄京與俠通罪知亳州未幾以資政殿學士
知渭州茂州夷叛徙知成都府蕃部何卅方寇雞
棕關聞京兵至請降議者遂欲蕩其巢窟京請于

朝為禁侵掠給稼器餉糧食使之歸夷人喜爭出
 犬豕割血受盟願世世為漢漢潘惠卿告安石罪發
 其私書有曰勿令齊年知齊年謂京也安石同年
 生帝以安石為欺復召京知樞密院京以疾未至
 帝中夕呼左右語曰適夢馮京入朝甚慰人意乃
 賜京詔有渴想儀刑不忘夢寐之語及入見首以
 所夢告馮頃之以觀文殿學士知河陽府哲宗即
 位兼保寧軍節度使知大名府又改鎮瑋德於是
 范祖禹言京再執政初與王安石不合後為呂惠
 卿所傾其中立不倚之操為先帝稱重且昭陵學

士獨京一人存若付以鉅密必允公論時京口
 乃以為中太一宮使兼法以講改官徽南院使拜太
 子少師致仕紹聖元年進年七十四帝臨奠于第
 贈司徒謚曰文簡始京鄉居受恩通判南宮成追
 貴以郊恩官其子嘗過公兄朱适出侍妾詢知為
 同年進士妻亟請而嫁之其為郡守諸縣公事至
 即歷究之苟與縣牘合而處斷麗于法者呼法吏
 決罪不以付獄報下捷疾一無壅滯人服其敏所
 著文集奏議三十卷在
 是也又有馮京三元坊在縣城拱辰門內又宋
 宗賜其里名曰得侍者存縣城之水東京父試

難乃見忠良貪人之利而背其君非忠也怯人之
威而失其志非勇也君甲科進士當以才識濟理
今佐一郡不能撫其衆以至于亂又不能死乃更
甘心爲號提烏合之徒剽劫郡縣朝廷封疆萬里
帶甲百萬遣偏師取狂寇如舉泰山壓卵耳柰何
赤族從叛人入湯鑊中邪初象城踈弱無守倭將
陷者數矣成均得書欲自投歸順計未決而王師
至城乃全賊又別遣一屯分掠南路徑趣空境所
至摧陷坦然入語容守陳延賞曰賊勢慄悍難以
力競且脅從之人本無戰心願假衛兵數輩從

抵賊營諭以逆順當使解甲而歸我矣遂去賊壘
數十步下馬直前爲言本朝正朔被四海汝徒無
故譟聚今有詔誅首惡若能束身改圖當榮以
爵賞何若草間覓活是時賊中僞補屯衛之職陳
賈二卒私相語曰此飛檄也於是率首領以甲
卒數百詣郡降賊失心腹皆不戰自潰賊平論功
大將以狀聞中旨命李師道遣赴關與官仍賜錦
袍銀帶悉讓不受願回前恩以就殿試朝命嘉之
詔貢部別名聞卷中途發病且遭家艱以歸服闋
急於祿養攝主化州吳川簿秩滿調授杭州餘杭

簿權漳浦令再以其能注桂州幕屢轉太子贊善
大夫殿中丞卒其在桂林也役徒不足借禁卒五
百伐材以修守具部帥會賓客飲于堂外有告變
者曰役卒二百執刃群譟入屯營為逆在座相顧
失色部帥曰當閉城以虎翼五百擒之坦然即弄
人語帥曰今以亂擒之彼知就擒則死必力闔通
所以堅其叛意耳及其覺尚淺若誘而致之可無
志乃從白直數人且趨其屯責其主校苛刻乃復
人人撫慰問其勞苦狀卒環泣曰苦則思亂人之
常情若從公命乃免於役以視息為再造矣皆釋

仗隨坦然歸帥亦原之

按陳之事迹彰彰如此

州府人物其謬誤甚矣故收入梧州府名臣類
下蓋以志乘公非設妄之徒其所言有足徵云

林勳賀州人政和五年進士為廣州教授建炎三

年八月獻本政書十三篇言國家兵農之政率因

唐末之故今農貧而多失職兵弱而不可用是飢

民竄卒類為盜賊宜假古井田之制使民一夫占

田五十畝其有美田之家毋得市田其無田與游

惰末作者皆驅之使為農以耕田之美者而雜

紉錢穀以為十一之稅宋二稅之數視唐增至七

倍今本政之制每十六夫賜一井提封百萬為三

千四百并墾境... 賦二兵馬一疋... 疋歲取五之一... 分為四番以直官... 而役使一遍也... 手六百餘緡無事... 稅供之匹婦之貢... 絹四千餘疋綿三... 二兩所收視絹綿... 官之酒酤與凡茶... 鹽香榧之權皆可... 弛以與民其

說甚備書奏以勲為桂州節度掌書記其後勳... 獻比較書二篇大畧謂桂州地東西六百里南北... 五百里以古尺計之為方百里之國四千當墾田... 二百二十五萬二千八百頃有田夫二百四萬八... 千出米二十四萬八千斛祿卿大夫以下四千人... 祿兵三十萬人今桂州墾田約萬四十二頃丁二... 十一萬六千六百二十五稅錢萬五千餘緡苗米... 五萬二千斛有奇... 百人蓋土地荒蕪而... 多遺財用不足皆... 之故也宋熹甚愛其

書東陽陳亮亦曰

可謂勤矣世之為

要必有英雄待也

則民不駭而

政書想亦須見

得數書有論也

寄此公所至有

○蔣允濟與安人紹興二年與兄允升同登第三仕

邵州新化縣縣素號難治允濟初抵官即相為要

約積年不輸之租車牛係道未幾丁內艱邑人相

錢二百尋民輸布一疋後折布為錢十倍之允濟

疏以聞竟減其半尋知州課居最及守邑管書

蠲買馬弊事百貨無所

讐殺死之日哭者罷市

一官及喪過潯尚賢

法非公之私公賢安得

政不苛迫歿而人思之

判邕州張孝祥誌其墓

邕州聞將邕州之名且

邕州聞將邕州之名且

不而士大夫有自求其善者曰
政則又豈不以為公為首且
去則且十年而使人及於其
懷此豈偶然也哉及於其
小惠其無與落母得少候
必躬親不以入使手務為
俾為善良者則必不為
善如刻為公以不為
為明以刻為公以不為
其能適以賈息為惠以
其患及於後日嗟夫此豈
之賢則庶幾矣然自中
人稱者則夫天理之不
凡而張則夫天理之不
仁攻予追書之以授其志
羊

安國所述其先文則豈州公也乎
過不能云手又觀文則豈州公也乎
在窮人又形不衰也嗚呼世固未
於窮人又形不衰也嗚呼世固未
取龍遂以陸沉下僚不究其
如君之才晚雖小試然其志業
試者而巳耶是合章神攸縣所
之辨尤與人意合章神攸縣所
得和焉又喜邑州家法之木
豈業不巳無記其於其後云

黃齊字義卿臨桂人紹興三年舉進士調賀州富

川尉迎父表中就祿養值盜曹成獲齊懼遣親

憂自奮擒獲七十輩縣以安堵第功受京秩僉判

柳州再僉知昌化軍賜對其言桂林潛藩多俊秀

黃齊字義卿臨桂人紹興三年舉進士調賀州富川尉迎父表中就祿養值盜曹成獲齊懼遣親憂自奮擒獲七十輩縣以安堵第功受京秩僉判柳州再僉知昌化軍賜對其言桂林潛藩多俊秀

而宿興之數狹也瘠民貧而折紵之輸重者詔增
鄉貢二人減軍輸布錢九百萬有奇邦人利之紹
興二年自肇慶來攝新州踰年種賴竹圍城一十
二百餘丈胡侍郎銓為記其事先是鄉民之貧死
者猶附于籍富厚者多避事役公榜諭之且置大
櫃于州門令民自投戶數于中限滿拆封於戶口
覈實賦役均平民以不擾後知廣州舊有珠池齊
奉詔罷貢禁採珠是歲珠溢池外桂人借其生於
嶺外用不究其才故其卒范成大為誌其墓張氏
為之題額云

陶崇字宗山荆湖路全州人少聰敏十歲賦筆山
詩有驚人句登嘉泰二年進士第歷仕兩廣召試
館職慕柳子厚為文嘗撰宋鏡歌鼓吹曲及楚詞
七叙以進于朝理宗在潛邸時公為講讀官龍飛
被召陳言業謹微謹獨持久之說又陳郡縣修武
備厚民生厲士氣之論與時宰史彌遠忤出知信
州終于任贈特進文肅有藏齋文集歷官行事見
國史子夢訓典春陵瑞陽兩郡終監丞
贊曰周涓以雄材壯猷受知太祖知慮增平困遜
聲績光于中外可謂奇男子美輩光仙之黨言陳

坦然之權畧抑亦其次乎王世則力請建儲三黜
亡憚於倫魁吳忝焉林勳學穎平經世蔣允濟政
驗於遺愛皆爲大儒所稱黃則其爲人可知也黃
齊循良之績陶崇啓沃之功方諸宰合浦而箴丹
宸者寔不多讓馮京三爲舉首號名執政乃其末
事至揆其志行之懿直而能遜端而有恒中立之
操不少爲勢利所動故能以道事君駸駸人材軒
前輕後惟京一人而已於戲難哉

國朝黃驥全州人洪武中領鄉薦授沙縣教諭後陞
禮科給事中三使西域嘗上疏論外夷貢馬及官
軍下番之弊詞甚剴切上嘉納之命爲定制自是
陝右之民得免供給尋陞右通政奉命撫諭南交
使還而卒所著有黃門奏章

○王溥字士淵臨桂人洪武中進士以郎中陞廣東
右叅議蒞任興學校理冤獄特匠藝之家勢要占
役弗克營生多致失業溥禁止之有奉部檄來徵
舵木者立期逼迫意欲求賂所採之木辨多不中
民甚苦之溥親臨揀剔十取八九網運至京無不
當意者先是起運俱內海道風水漂沒民不勝患
溥自臨度嶺遍觀險易命有司隨山鑿石填實溝

澗修葺橋道教民避車避之具自是以後航木卒
逾嶺浮江而達遂免漂沒之患民甚賴之廣先年
遇慶賀俱設筵宴皆附肴二縣供備悉罷之其使
民類此一日弟信自桂林來省適遇承差何秀同
舟秀贈以布衣及見溥異其服色非桂林所有詢
所自來弟以實對溥曰一衣雖微不可不慎蓋布
衣不巳將至縑帛此污行辱身之漸矣即命以衣
還秀隨遣弟歸歷官數年筒無重衣扈無盛饌一
日為胥吏龐庸所誣被逮赴京行李罄然寮屬餽
贖皆固辭不受曰吾豈以患難而易此心哉比至

朝廷已知其誣遂還治以疾卒于官年三十有六
廣人皆傷悼之

○岳敏字敏學臨桂人洪武庚午舉于鄉授河南道
監察御史陞河南按察司副使永樂元年陞四川
按察使居官廉介卒之日家無餘物

○包裕字好問桂林人成化戊戌進士筮仕撫州推
官入為監察御史有變諤風丁未出按貴州憲度
貞肅庚戌擢雲南按察司僉事辛亥丁外艱乙卯
起復除河南通盤列郡不少暇逸庚午陞雲南副
使嘗督兵討邊夷之叛分巡臨元道每處地方事

圖為經久不事立異而遺利自廣滇人賴焉後以疾自陳致仕不俟報而行居家日以詩酒自娛暇則採山釣水登覽奕歌勢利紛華之事纖毫不入于心於地左構一小軒扁曰恬退乙丑 朝廷論雲南功次賚以金幣甚腆丙寅武宗即位推恩臣下以致仕獲進三品階壬子以疾卒所著有拙菴藻藏于家

○馮俊字士彥宜山人天順庚辰進士初授刑部主事歷員外郎中折獄以仁恕聞成化己未擢福建按察司副使建寧衛指揮楊華者席勢貴以私憾

殺數十人有懼其筆楚而詐死入棺以苟活一時者畢知其狀即令人舉火焚之聞之上官以豎東楊學士孫多庇之有寃者無所控訴十餘年矣後臨其地人暗其行事風烈乃訴之後自訊問旬日獄具疏上其事

憲宗震怒即刑畢籍滅其家聞人排決以外艱去服除任湖廣整飭辰沅諸府衛兵備乃鑿沅溪以通運道作浮橋以通往來累遷都察院右副都御史巡撫四川兼提督松潘諸軍事時鎮守松潘總兵恃勢肆害劾罷之為湖上官知府安贅殘恣不道

撫巡皆慮激變莫敢深治俊授計於僉事曲銳捕
鰲實于法乃請更立沅官數十年夷風虐政一旦
洗濯諸黠鰲夷屬皆誓服不為虐蜀人以為百年
來所僅見也弘治丙辰七月以疾卒于官

孝宗嗟悼遣官諭祭令有司營築俊天性剛毅遇事
敢為不可以威勢屈而於蒞事尤精敏絕人在蜀
日一知州故人子也堂叅畢獻有微墨二笏俊怪
其重厚異常試之乃墨塗黃金也即擲還幾中其
面斥出之母容再見而亦不以此事語人卒之日
行囊蕭然且無人在侍三司令新津知縣周邑出

演啓私篋發所藏止俸銀數十兩金帶三腰而已
○張濬字仲湜平南人祖輝舉于鄉首解父廷綸南
京戶部主事濬幼穎十歲能屬文日記數千言年
十七連登成化戊戌進士始冠授翰林院庶吉士
改編修歷侍講事

宗皇帝東駕時啓沃不忘規正及登極進學士
尋轉國子祭酒課諸生進修寒暑不輟以存心為
教正德丁卯陞禮部右侍郎尋轉左又晉南京吏
部尚書時儲位久虛草疏率同儕以請或難之曰
此社稷至計朕有謫責當獨任之無何改戶部又

改禮部尋又改兵部尚書未資機務即條上持務
八事多報可奏革守備廳審事官逐四方遊僧之
聚梵刹者貴豪皆側目逆瑾敗言者造為不根謂
灤嘗以奇玩遺瑾遂三疏乞致仕去及大學士楊
廷和輩訟諸內臣凡瑾賄沒入內帑者未嘗有也
誣乃白後移家全州省墓平南還至柳州卒年五
十八訃聞賜祭塋灤剛正廉介遇內閣諸重
臣未嘗阿附以是竟不召用為詩文力追古人詩
尤溫厚可傳所著有應制集金淵憶錄涇川文集
若干卷藏于家

○蔣昇字誠之金州人成化丁未進士與弟冕同登
人以為盛事並仕廣州南海知縣以政績卓異徵
入朝擢內京福建道監察御史陞河南汝寧知
府遷湖廣按察副使進浙江按察使轉浙江右布
政使又轉四川左布政使尋陞都察院右副都御
史巡撫南贛汀漳建南京戶部右侍郎嘉靖初以
廷薦陞本部尚書 婚晉寶政大夫數月以老疾
辭 賜必選諭致仕 命有司歲給廩祿仍馳驛
以歸居無何弟冕以少卿兼禮身殿大學士致仕
相與優游林泉兄弟完名人益詭以為難卒年七

十有七。賜蔡蔡昇天性純篤於世人機械事法無所知及蒞政折獄物無道情其官邸縣保民如子惟恐傷之逮司臺憲劾奸雜惡未嘗少有縱舍於先儒務窮理而實果斷之說終身誦之故其言行政事無愧古人云

○吳廷舉字獻臣其先湖廣嘉魚人隸籍梧州所遂為梧州人成化丁未進士知順德縣獲從白沙陳獻章遊得聞聖學便蔡又學為詩亦就規矩其治邑甚有條理民甚便之市舶內臣每市物縣為市舉輒還其價廷舉陽不知故忤其意由是為內臣所

疾興載聖成都府同知遇事迎刃而解丁母憂起復改以江數川會廣東盜起兵部薦為兵備僉事分司清遠征十三川池水諸峒平之又兼屯田鹽法會通鹽查盤庫藏仍取內進銀衆以為營出於鹽法道廷舉疏下 朝謂宜留備軍需瑾怒甚尋劾峨府明正陳鶴等樂至廣多不法又劾總鎮大監潘忠數十事忠亦計奏之逮繫 詔獄考掠數日無所得 有道選鄉非之物號吏部門外九日死而復生謫戍鳳門會風霾之變血放為民瑾誅起雲南副使未行江西桃源峒賊發乃置石叅

政往撫之為賊所留劫以威不為動居賊巢數日
乃稍以利賄其左右有力者使執其酋因敗成功
卒以平定陞廣東右布政使疏番舶進貢交易之
法定均平嘗驛遞以紓民困嶺西播種噴聚

命兼兵備副使經畧之尋陞右副都御史賑濟廣
處守辰州上言警殺得其情嘉靖改元陞兵部侍
郎入直改南京工部轉戶部侍郎尋陞右都御史
巡撫兩畿賑恤凶荒補粮運抑道豪右稱貸所
至今人種流以食給除積年無藝供應陞工部尚
書時年六十四矣即疏於朝而歸創東湖書院積

書萬卷每夜必閱數卷乃就枕居家二年卒有奏
疏數百篇詩文數十卷藏于家

替曰明承勝國綱常淪斁之後大興學校編及
遐壤風教翔洽而賢才日盛觀於唐西僅百餘年
名臣視漢末亡慮情等豈非化導致然與黃驥咨
詎建明其創甚博无津飲食泉而心不憐滯岳敏
官據上而死不易及三人始所謂古之遺愛者馮
俊之風裁獨持包格之學行恬退張縉之文章操
守蔣昇之醇謹果斷至于今猶有列焉雖鴻漸鵠
起未究人用皆棟國材也其泉湛子稱吳廷舉之

廣西通志卷第四十四

廣西通志卷第四十五

人物傳二 孝友

漢頓琦字孝異蒼梧人居母喪獨身立墳歷年乃成

手種松柏成行哀毀踰制感物通靈有飛鳧白鳩

棲息廬側見人輒去見琦而留南齊末明中范雲

為州刺史使祭琦及丁密墓出太平

○丁密字靖公蒼梧人性清介非家織布不衣非已

耕種菜果不食毫髮之餽不受於人遭父喪廬于

墓側有雙鳧游密廬旁小池見人馴伏後遭母喪

復廬墓三年歸至舊廬一宿故雙鳧復至游戲池

中舊志訛舛以審為丁蘭蓋不考之過也太平御覽

宋朱道誠字信中清湘人幼喪父事母俞氏至孝多

病道誠截髮求醫俞氏卒葬於湘峯景德寺之左

結菴守墳有冬筭瑞竹之異父老狀其事州以上

聞景祐四年有旨賜絹十匹米一斛令本州常加

存撫及卒盧帥王獻可作詩吊之有夜月明

孤塚秋風悲白楊之句郡守趙公掀揭其墓曰朱

孝子墓其子揚善盧為事亦聞于朝至和二年有

旨賜米帛如父恩湯善後改名冕字德父以郊恩

官至宣教郎冕弟衮字補之讀書知名元豐中

鞏生司馬光黨削尚書郎籍貶全州冕與交行從

之游鞏嘗訪其家以欣欣名其亭為之作記正謂

德父真純不苟補之開爽喜文云黃庭堅南遷過

湘渭因鞏而識冕兄弟嘗賦詩贈之萬里滿湘一白頭親

老尚懸鵲還家但有千竿竹望日空林一畝斤賣

劍買牛真可惜隻雞斗相得為佛勸君莫起驅愁

思滿腹文章本是貧

○梁詔桂州人少孤事母孝元豐中任廣東提刑司

幹官遭母喪既葬廬墓側建罔極亭手斅柏甘

露降之草生蘇軾自海外歸聞其孝節往見焉因

為易其墓亭曰甘露林曰瑞松詔命三子出拜軾

以孝義勵之為扁其讀書所曰薰風亭

○毛倫陽朔仙桂坊人少讀書能屬文有志節紹興間與弟汀偕良家從捕曹成俱補官倫事母至孝辭官養母迨其弟汀出仕及母亡哀毀至瘠每一慟哭血淚交下既葬語汀曰二親在泉下吾將往事之言訖而卒肢體柔軟如生家弗敢殮四十九日神色不變吊者無不驚嘆

○蔣舉字時舉清湘人久往太學一日告友黃無悔曰學者所以學為忠與孝也有親弗養其孝忠既未立孝焉可忘我其歸矣無悔感其言歌以美之

曰秋風起兮白雲飛南國遠兮心欲歸歸心切兮親庭闈後相見兮復何時舉由是以孝行知名

○蔣一鳴一變清湘建安鄉人兄弟六人五世同居九十餘年家庭之間雍雍如也郡倅許儼暨權郡許應龍咸嘉重之知全州鄧均有文風動士林義事著鄉井之壤湘人以為美談

國朝劉本桂林中衛人成化丙戌進士授刑部主事宅慶廬墓有白蓮芝草之瑞有司上其事于朝旌其門曰孝行

○吳廷弼字蓋良蒼梧人廷舉之弟時逆瑾用事廷

舉被逮詣詔獄至京水堦意者以重枷囊其首欲
 置之死廷弼周旋其間盡心竭力及釋幾絕復蘇
 廷舉以詩示云顛危九死過蘇軾患難相扶賴子
 由廷弼弘治平西舉子蘇軾字子瞻眉山人也其兄
 人私室兄弟親從十餘人同棹無問樂謂吳氏有
 人矣蓋臣幼從其兄學考德問業日就規矩思效
 其兄所為然未見其奇也既而登名賢書文日益
 進論議日益宏大過吟諷味性性成詩歌運斤
 乘風欲與天下士爭能焉亦未見其奇也東湖擢
 廣東僉事進參議聲名藉藉不自韜晦抗直不回
 上疏論天下事君子建之而忤時觸物禍端兆於
 是矣或言其過被逮詣詔獄間關萬里風霜侵骨
 手足較瘁日夜受制於人繁累不少釋盡臣率一
 僕奔走而扶持之矣共生死到獄拷掠毫毛無所
 得有言其遷秩時嘗見督府於梧是為枉道遷家

可坐以罪主者希意遂以重校囊其首使官被
 守絕其飲食必欲置于死或教以行賂囊橐蕭
 然計無所用於是服舉人衣冠手携飲食親往食
 之左右見其態至為之少霽其雲如是者九朝夕
 焉時有刑部宿主事進惜公論之不伸憫獻臣之
 將死上書冢司極言其無罪乃僅得免筋力困於
 負重及釋而氣絕有頃方蘇蘇蘇臣負以入部入府
 號痛悲泣哀動行路已而請成鴈門又與辨其行
 裝值連日風塵之變頌恤典遂得放歸田里當時
 士大夫識與不識莫不噴噴嘆曰獻臣為忠臣蓋
 臣為義士難兄難弟於今見矣夫以一身為忠臣
 歷艱阻而脫其兄難弟於今見矣夫以一身為忠
 不謂奇男子乎獻臣南歸偶相見於蒼梧即語其
 故時蓋臣待試南宮未還也後東湖起廢參江而
 政蓋臣下第選至端陽而遊鳴呼人固有不仁不
 義兄弟相猶者反得肩背而踏倫率理不愧于天
 如吾蓋臣者顧乃垂於足耶子為此而後之君子
 而先後之蓋傷世道之衰天道之成而後之君子
 將不待蒙為善之澤也宜表表慕效而名譽弗彰
 私而巳哉贊曰世有卓行追配古人而名譽弗彰

者公論無所於主也外史記事於當時在人耳目
謂之傳信內史成典於異日搜輯文具謂之傳疑
信而不疑疑而於信善善而不沒
則蓋臣可無憾於九泉之下矣

○竇桂全州人世業農能節儉事親以孝聞父賢母
黃氏一時染疾桂發誓齋戒朝暮焚香告天願以
身代病勢轉危乃痛泣籲天遂於左臂膊剜肉密
為藥以進之毋父母食之其病果俱愈嘉靖六年
八月母復病不起桂擇地定葬仍結廬守墓三年
乃歸州覈實聞于監司提學僉事黃佐召見桂樸
野一無所言第頓首而已乃用鼓樂迎至州學明
倫堂禮而遣之

贊曰周官論鄉行必差友焉先以天經地義係焉
爾剖股廬墓或訾其非中道然風俗薄惡久矣間
乃見之不亦難乎夫斯乎者感物動天致和召祥
蔣氏兄弟五世雍睦具廷鄉急兄之難皆足以為
世勸乃若毛倫毀瘠傷生踰禮制矣

人物傳三 忠義

漢衛毅蒼梧人負勇謀忠同郡錢博皆為郡太守長
沙吳巨所信用建安末天下大亂荆州牧劉表以
賴恭為交州刺史孫權以步騭為交州刺史巨逐
恭奔零陵騭將至使人諭巨巨納騭而後圖之

騰知巨與都督區景謀乃召二人入訂事即於中庭斬首以徇衆遂治舟船合兵二萬下取南海毅與博念巨部曲舊恩且騰之來非漢命也乃興軍逆騰於蒼梧高要嶮口與騰軍戰騰幾為所敗會毅少却騰東之毅與衆皆投水死死者千餘人無

一主降者

出本紀註

唐于向字仁忠其先出姬姓漢御史于定國之後祖達邕州刺史因家臨桂之西鄉父翰辭官以富豪甲於鄉里向生三歲始能言八歲學書能文及長形貌雄偉少制奔牛人皆以為關張流亞居父母

喪以孝聞唐末南詔結群蠻亂邊向奮然曰王室有難邊境不安予世食唐祿可坐視乎因糾合義兵三千餘人助節度使高駢擊破南詔撫定交趾寇賊屏息駢因署為牙門將尋授本州團練使後駢玩寇無功政由駢下向即辭歸及黃巢寇嶺南大福賊響應侵逼州城官軍失利向即率兵與戰于都郎山九月賊屢出屢敗乃引兵深入大戰于洛陽坡後兵不繼賊衆圍之數重向下馬格鬪精采百倍手刃揮霍賊尸平滿谷賊乃退向亦被傷死士民莫不痛哭流涕遂相與立像置祠於其地

歲時祀之

出李源深所作行狀

○龐孝泰南州博白人龍朔中以左驍衛將軍為遼東道行軍總管與蘇定方程名振等征高麗孝泰以嶺西兵逼蛇水蓋蘇文承攻孝泰兵敗死之十宋李珣宜溫之桂州永福人少業儒尚氣節三試禮部兩墜上庠不偶乃慨然以功名自奮會宜州蠻入寇帥募智勇士以禦賊珣從征首立功補右職進築南丹州以珣攝州監押為先鋒接戰卻敵城成策勲累任邊將群蠻畏懾納款歸疆積官至武功大夫擢東南第十二道刺賊劉花三嘯聚自虔

○吉入寇廣東朝廷議擇將禦之有以珣姓名聞者除廣東路分至則盡俘其眾檻賊首送京師擢忠州刺史知融州議者以為賞輕就拜淄州團練使會金虜犯京城以檄書蠟彈召天下兵珣聞之與將炳文集寮佐吏卒曰主憂臣辱主辱臣死臣子至此豈可以道遠便自營乎遂州兵募死士檄安廂樂善二寨酋豪以從凡三千人築壇誓眾倍道兼行比至復州賊將薛廣祝靖眾數萬阨其前旁郡皆閉城自守莫敢嬰其鋒或有勸珣宜退珣不從竟戰死事聞贈忠州防禦使官其子十人仍詔

旌表其門曰忠義

○梁仲保賓州人勇悍有略監司上其名命撥給田
產以三班奉職充本州團練使寶元間知州吳孟
休復請增給以饗之慶曆中懷賊犯邊率衆力戰
以死州人為立廟祀之子孫世居城西今州治梁
官巷即其地也

○宋士堯柳州馬平人皇祐中懷智高寇廣南士堯
領兵至邕州極力與戰已而敗北賊斷其首尸不
什猶辨馬而還後贈也衛大將軍

○徐龜漣白人仁宗時舉于鄉筮仕攝知宜州討歐

希範以功授白州長史皇祐間懷智高叛盡引兵
追至金城驛戮力與戰死之贈大理寺丞

○潘益蒼梧人常儒衣持一大髮行坐獨語人傳其
能先知皇祐中慶源蠻懷智高陷邕乘勝至梧州
下聞其異召而問曰吾形貌如何益曰汝一賊耳
又問曰梧州幾日可陷曰百年亦不陷又曰吾欲
遽此以有南粵如何曰汝將斬首豈能有身耶賊
怒遂害之

○毛炳富川人儻不羈好讀書乾道中以平寇功
授橫貴廉三州都巡被殺後交寇犯境死於難累

贈太尉忠順武烈公三子維蕃維瞻並登進士第

○毛士毅富川人仕為化州石城令李接及來攻城

士毅與尉曰吾與君當以死衛百姓糾合義兵與

賊戰衆寡不敵遂為賊而死高宗嘉其忠贈承事

郎

元趙元隆字祖森興安人仕至廣西行中書省左右

都事以才智聞會大明啓運四方皆附兵元年

丁未冬王師南上圍永永人告急于桂元隆勸平

章掌省者曰公宜速救吾所恃者永耳無永則無

廣右矣明年春援兵行為平章阿思蘭所撓未及

永夏四月永守鄧姓者自盡城遂陷先是三師三

月已圍桂矣元隆謂平章曰公宜與城存亡又與

同列言昔與鄧侯同事良荷知遇然所以不即死

者期效尺寸以報之今鄧侯死矣尚可獨生乎六

月庚申王師由西門入元隆掌伏波門聞城破顧

謂從者曰此吾死所也引刀自決同時死者都事

陳瑜皆一時烈男子云及事定男宗徽收遺骨以

歸時劉三吾在桂作詩吊之白頭從事紫微垣一

何慙汨羅叟累尸竟在伏波門之平作傳須朋友

此日承家有弟昆誰使甄侯諸將吏皆能盡節報

恩邑人唐輝為作行狀太史徐學士誌其墓見陵

國朝宋欽蒼梧人永樂十五年鄉試登第入太學授
戶部主事叟郎中建白多怒國善計陞湖廣右叅
議正統十四年麓川亂朝廷遣靖遠伯王驥征
之以欽督餉欽不避艱險躬至辰沅清良鎮遠設
法督運拯救危急軍餉不乏景泰初欽乘小銅艘
往安洪等江苗賊要害所在催趨糧草甫至盧溪
遇賊欽率隸兵迎敵厲聲歷數其惡詞氣壯烈賊
懼不敢害陞廣東右布政使未幾改授江西晉湖
廣左布政使時苗寇作逆悉心經畫寇平遂致仕
歸天順六年寇陷城率郡人與之戰死

○陶成字孔恩潯林州人永樂甲午鄉試魁易經
明年注授交趾諸縣典史尚書黃福聞其學行授
以鳳山縣署諒江府儒學教事夷人多從之學九
載陞安南按察司檢校宣德庚戌改山東越六年
按察使虞信薦其有為有守擢大理寺右評事正
統改元尚書劉中敷又薦之授浙江按察司僉事
數治疑獄奸豪服辜壬戌倭寇破大嵩泖渚千戶
所殺掠居人成設方畧伏兵殲之奏減運京儲糧
三十五萬石以運兵八千人沿海守備由是倭不
復寇戊辰冬金處二府勅寇陳諫胡葉宗留陶得

二率徒眾焚掠且至蘭溪宮民潰散成設戰守之具旬月間獲寇首從數十餘徒既而諫胡宗留就擒得二引餘黨竄入山中成從僕隸四五人造賊穴降之來歸者三千人朝廷聞之陞按察副使未幾得二復反景泰改元成時守金華摺諭四境脅從軍民來降者三千餘人擒斬數百級獨得二以四十餘徒遁去賊勢復熾攻武義縣成率眾與戰賊以計燒城眾大潰成策馬追殺賊十餘人遂遇害賊退得其死如生喪至蘭溪民迎哭數十里僉事陳永為立祠祀之事聞朝廷贈亞中大夫

浙江布政司叅政遣官諭祭

諭祭文社者處州蓋起殺掠居民爾以方

面領兵勦捕率先督戰克以殞身眷念忠勤良切悼惜

以日賜俸給喪事尋

賜叅政誥命于魯蔭授新會縣丞有異政累陞不布政使

○蘇志懷集人中鄉試第一任靖州知州興水利修學校視民如子不忍以事勞之指賊流劫至七里坡將襲州城志率民共五百人逆戰眾寡不敵死之

○朱瓊臨桂人嘗舉中鄉任開建縣知縣有幹濟才天順三年春流賊攻縣治瓊奮身擊敵無援遂死

舉家罹禍百姓至今痛之祝慶

○蔣璣字天器平樂人弘治壬子鄉貢進士正德戊

辰授福建連城縣知縣連城舊無城璣經營築城

不期年而竣壬申春隣邑武平賊首劉隆等劫害

生民與師征勦以勇智奉檄往往擒斬賊級數多

○益勵其衆深入險阻以殄餘孽為賊所執不屈死

之連城士民追思遺愛立祠祀之扁曰忠惠巡按

御史李如圭疏其事以聞贈汀州府同知蔭其子

朝陽入國子監

贊曰粵人性勇敢喜戰聞既入中州版圖駸駸尚

義為國死難者良多有之烏亭史遷有言死有重

於泰山有輕於鴻毛若李璣者抗節金虜屹然立

萬世夷夏大防焉豈非重哉

人物傳四卓行

宋唐叟字元老桂州人少孤嗜學諸經皆貫通尤邃

於易家貧事母至孝訓徒以奉甘旨年四十餘不

娶凡澣濯補紉皆躬其勞紹聖開以經明行修舉

○常登三蘇門後改為雷州海康令蘇軾南遷過之

握手道舊叟特年幾七十賦嘆曰元老行雖孤高

唐氏豈容無嗣方勉之娶任滿調池州通判遂歸

舊隱鄒浩與叟有雅故謫昭州日訪其居贈詩甚

多親道書史律外此十神美曰公

○馮商本宜州縣人嶺南少落商往來湖廣江夏之京

師其妻授白金數笏曰君壯歲無子可以此買妾

至京師買一妾問所自來涕泣不言因問之君吾

父居官因綱運鬻妾陪償耳商遂惻然不忍還

其父不復索原直及婦妻問買妾安在具告以故

妻曰君立心如此陰德厚矣何患無子居數月妻

果有娠將誕里人皆夢鼓吹喧闐云送狀元至馮

家次早生京云出湖廣通志

元鄧雲翔臨桂人為入寬厚喜讀書尚禮節桂俗喜

巫鬼好浮屠惟雲翔不為所惑入高之後屬續遺

命葬祭一依文公家禮翰林學士劉三吾為誌其

墓稱其善行甚悉云

國朝陸嘉鯉字汝龍橫州人壬子舉于鄉為上虞訓

導遷廣州教授所至必訪生徒之勤而朴其弗率

者雖貴介不少傲借食不兼味衣不取華辭束修

之禮終其身嘗受撫巡命單騎諭後山之賊不下

數百人入于文朝賊以賄五百兩為謝笑而卻

之始進士霍韜第任以犯教嘉鯉必朴之乃已韜

以為疑及與悟怡如其敦古道也遂敬重之嘉鯉

卒于官士大夫皆賻之乃克歸國史湛若水以

四德表其墓銘為詩文吊之極其歎仰焉霍韜

其詩序是故惟其守止是故下交侃如而弗賣惟其

不讒隨是故上交弗諂以阿權論人於今之世若

得月江先生者其古之侍之遺德余始以病家居弗

益恒意余為傲是故兩不相能月江以余弟得罪

兩情益不相能迨余遊觀月江傾寫非真傲也士

生乃曰吾意了之傲也乃今知子之非真傲也士

寫肺膈余乃解然悟曰吾意先生之難相知也乃

此哉丁丑之夏余疾隱凶兆生走吊不速百果先

生非敦古誼者為之歎與良之夏余拜先生番山

樸者也真不詭隨者也忘情尊俎非敦崇古誼者

為之遺歎先生已矣雲影蒼蒼先生已矣江水流

美蓉月江影○悲風送寒潮魚鳥驚接黯來○年

泪眼問青天壽夭誰能辨月暗川○人多不祿庸

薦悲哀人壽易逝○所化代獨知泉壤情寧

至潮落月光移○向維新良不代獨知泉壤情寧

抱骨肉悲感此五情○所化代獨知泉壤情寧

茶苦○茶苦向可摘○雨亦抱終天感此泉壤情寧

世易塵○茶苦向可摘○雨亦抱終天感此泉壤情寧

悲風獨鶴吸○孤松○獨鶴吸○孤松○獨鶴吸○孤松

李恂華安寒暑皆堪一別一萬古誰有再見期
 會時如不果死後安有知其死若水墓表
 惟正德十有五年八月六日卒教授月江陸
 子汝龍嘉興人官州之官仲子其大者也
 南宮之試歸卒于廣洋之官仲子其大者也
 來請表其墓其系在臨其年籍在叙述其大者也
 故月江子其墓其系在臨其年籍在叙述其大者也
 在誌銘子無表焉耳是故君子所貴乎道者四曰
 誠曰仁曰孝曰廉曰忠是以表之表其大者也
 者爾陸子生而端慤不安言笑忠信不賤教授于
 廣以文德之命單騎論後山之賊下四百餘人入
 處于文廟斯不亦試矣乎誘生徒之勤而警其弗
 率者助劉相之役時諱偉之室斯不亦仁矣乎分
 教上虞迎養致教遺後而歸旬旬致毀斯不亦孝
 矣乎却後山之肅五百辭束脩之禮以終其身食
 不燕味衣不取華居蔽風雨斯不亦廉矣乎夫誠
 以立其德仁以達其用考以致其情廉以律其身
 四者備矣擴而充之以盡其性斯不亦可訓矣乎
 陸子有德焉方伯吳公是以有學行之譽焉公乎
 子德者人所與之矣入與之鬼神斯愧之矣陸氏之
 後子質而淑且從其泉子以修四德君子是以知其

贊曰人之特立下許者世何罕哉漢、有言曰白
 璧不可為容容多後福苟行義少與俗戾則將辟
 而指擿之矣安望其能自表見耶詩美伐檀刺相
 鼠禮鄙漁色戒苟得四子者蓋得之彼志在隨人
 所執斯下其賢不肖何如也

廣西通志卷第四十五

廣西通志卷第四十六

○人物傳五 宣宗

唐韋厥澄州人武德間持節假使上蠻開撫化

外詔領澄州刺史後隱於智誠洞與諸子皆封侯

廟食

○白聳柳州馬平人仕為義勝都將光啓中寇入郡

境盡驅其民掠其財帛聳率所部攻賊奪而歸之

郡人為之立祠

宋石鑑字大觀邕州人舉進士皇祐間挾策干余靖

以平賊功授大觀寺丞累官至忠州刺史尋知桂

州充本州路經略文撫使

○毛温富川人仕為欽州雲山簿特文冠階欽廉白

三州守令有聲風而遣温糾合土豪與戰輒勝賊

勢遂挫事聞召對改秩

○黎志宜州人治平中許安世榜及第仕為化州路

兵川令以政最加勳武騎賜緋魚袋羅威嘗謂馮

三乞以文學魁天下黎特科以及第擅當時並稱

為人物之傑出則其人可知矣

○唐諫字子方清湘人以三舍類升大庠元符間舉

鄉人將舉上書論時事崇寧申嚴黨禁入易玉以

下邪等籍退屏田里改名再領鄉薦登政和五年

第歷官朝奉郎累贈通奉大夫子孝穎先膺里選

次受世賞周必大梁克家皆器重之後知峽州七

大夫出蜀者皆挾巨商重貨諫大搜之遂以謗克

有送行詩云似得歸舟輕似策不嫌蜀客恣商征

子之淵兩請仕賓州節推其後簪纓不絕舊誌

子方遂傳訛襲列以

○蔣炳文字仲虎興安人坐而穎秀大觀間預上舍

選通判融州金虜犯關召天下勤王炳文同守李

璠率所部赴之為提刑程大器所沮遂以兵他屬

罷官行在上書言時事宰相趙鼎是其說薦為中
 都官炳文額外職自試除瓊管安撫秩滿奏事忤
 權臣意乞辭南歸終身不仕訓導後進弟姪相繼
 登科年八十五卒施鉅李光同訪炳文所居作三
 老堂

○韋經宜州人大觀中舉進士官至承議郎雷州通
 判權知州事有政聲聞于時

○施才號拙翁貴州西郭人自選解歷任徽宗大觀
 時作倅宣和間莫徕峒蠻叛才能禦寇立功任滿
 奏事上因問以南方風土對曰道德一而風俗同

上喜其質遷朝散郎未州太守卒于途

○李守柔字必強臨桂人紹興間與兄守卓相繼登
 第為雷州海康令再調知臨賀縣初趙鼎南貶雷
 州守令王超輩以故相禮迎送後有以告秦檜者
 超去已久檜下廣西追罪官吏株連守柔緣坐十
 年不調檜死始改倅守武臣御下嚴衣糧不時
 給將大閱衆洶洶將不請守窘甚守柔勸使移病
 為攝州事下令發帑廩給請特數日入教場引謀
 亂四人斬其渠魁輒三人訖事肅然除知梧州選
 知宜州後除新州卒于道丞相周必大為誌其墓

○唐峻，字桂林，興安人。少刻意於學，博通經史。紹興間，第進士。廷對，以直言無隱，被黜。朝廷尋悔悟，命以官自柳州司理，歷仕知廉州。皆以廉靜聞。由容州倅移守昭州，政成人。奏除知象州，尋知廉州。未赴攝鬱林郡，兇賊謝寔犯鄰境，峻入躬率吏民禦捕，遁去。自廉州秩滿，遂請老。凡經三郡，家無贏蓄。張栻帥桂時，夾城遺火迫其居，公急遣軍往救之。頃刻還，白曰：「唐大夫家止有文書，衣衾數篋已他徙矣。」栻深嘆其清約。卒年八十二。積官至朝散大夫。

○唐虎，字仲孺，興安人。登淳熙辛丑進士。嘉泰二年，守新州。先是縣道銷不割稅，差役折戶，皆取于民。由無遺利，民甚病之。虎往任，有奏罷之。邦人感其德焉。

○毛經，富川人。仕為開封戶曹。性敏悟，一日方與客對奕，升以疑獄就質，令罷奕。經曰：「決事奕，其兩不測。」經曰：「中讀欵目，視棋局耳聽所讀，已而奕勝。」

○韓迥，昭州人。累官太子中舍，致仕。李帥中以詩贈

迥，末哀前已得懸車骨，直清風。八十一餘，其恬退廉。

廣西通志卷之六
靜有人所不能及號東山野叟云

元秦仲禮臨桂人慷慨有志當湖湘寇入廣西廉訪使令徃征仲禮毅然就道舉義俱其里人幸無他戎戎冬武岡峒賊出擾桂諸屬邑明年春正月闢桂城仲禮從官兵戰走之功聞授義寧縣尉威攝邊徭改攝臨桂縣主簿邑病尉郭事甥毛仲禮悉心奉職必之裕如修城之役供具日出應用無違上官才之陞為令兼防禦守縣治葺校宮團鄉兵寬徵勦南鄉有山村民賊殺人近郭十數里許或乘夜墨面而寇知是數起皆設計擒獲以殉遠近

肅然出垣齋集

國朝計仲政字永清馬平縣學生其先益州益都人

元仕於柳遂家焉洪武初峒夷猖獗縣令張霖以才能薦仲政得為巡檢率民兵與戰擒殺得俘賊五百餘諸峒凜然凡被虜者多賴奪歸時總兵韓觀知其能托為心腹資以發縱指示無不成功者前後四十餘年致仕卒

出垣齋集

○王顯中桂平人洪武初遊太學有聲擢交趾諒江府同知在任以勤能稱尋遷新平府知府卒於官

○吏民思之

○覃衡平海人洪武間舉人就雜職後官至監察御史振肅百僚朝野聞名

○唐耕字廣耘臨桂人洪武間任訓導擢知廣東河源縣以廉能陞監察御史激揚有聲遷國子監司業預修永樂大典能以師道自重卒於官國學生及士夫皆痛惜之嘗作河池守禦所修城記人稱其工為文

○劉淵臨桂人洪武庚午解元登甲戌進士任監察御史能貞百度歷陞湖廣副使晉左布政使

○吳文字尚質臨桂人洪武十八年進士授翰林檢

討陞湖廣叅議有政聲

○諸葛平陽朔人洪武末為應城知縣轉廣東瓊州樂會縣廉能特達請裁革本縣丞簿後陞吏部郎

中出瓊臺志

○陳敏陸川人由監生求樂初任韶州府推官陞儋州知州為政寬厚甚得民心以憂去民告保留者亡慮百餘人復除還任九年後以例知泗州

出瓊臺志

○陸景字彥昇靈川人舉于鄉任廣東臨高縣縣丞勤能公平惠愛及人永樂四年臨高旱景竭誠祈禱夜夢老嫗跪前苦訴寃者明且遂獲許禱避兵

男子一人詰之末三鄉符儀也因得其殺伯母狀
將真于法天遂大雨吉水解縉紳述其事

見縣志

○李通臨桂人永樂十二年知陽春縣事持已敦厚
處事公平苛法不施士民樂業

○李觀智蒼梧人永樂二十二年鄉試入太學授都
察院司務時母年八十八觀智奏分俸為養陞山
東按察司僉事尋改廣東景泰四年蠻寇為暴巡
撫都御史王翱以觀智諳曉土俗委之招撫大藤
五屯龍山諸寇悉皆向化嘗分巡嶺南清遠盜寇
掠鄉村捕而戮之其子廷麒廷鳳廷彪皆領鄉薦

○龍韜臨桂人舉人任浙江嘉興推官政平訟理
山東道監察御史激揚有聲不避權要後陞雲南
按察司僉事乞歸蒙恩進一階東莞陳璉贈詩

極其稱美

詳見詩類

○傅惟宗字肇本藤縣人幼警敏嗜學從學士解縉
游博學能文須臾樂矣卯鄉薦任茶陵州學訓導
造就得人歸休林下以吟咏自娛縣行鄉飲禮令
常躬迎之乃出出則為大賓鄉後生皆視其言動
以為矩矱以經學授徒登甲科者多出其門婚嫁
從子女之孫者四人恩義周浹與其弟惟慶友愛

隆至大學士古濟作壽古膠兩傳先生詩序謂藤
之人士稱邑中賢士大夫必歸肇本至論隱君子
之表表者必曰肇本時總督都御史韓雍聞其名
每延訪之以實禮從子鑑中天順己卯鄉試第一
○馬聰字馴良臨桂人舉人正統九年任九江德化
知縣蒞事勤敏首以學校農桑為務郡城南有井
崇湖堤唐刺史李渤所築且堦行旅阻畏一日見
男女裸體而渡聰惻然念曰此令之過也遂率民
往築甃以巨石極其堅固復於兩旁植柳以護之
上有煙水亭宋漁溪周先生祠久圯聰復修葺之

後陞工部主事卒于官妻子并樞還道經故園
懷其德遂迎至於廬山之麓復留妻子居焉
○秦應字思敬融縣人舉人初任江西都司斷事
慎明大薦陞刑部郎中歷廣平嘉興二府知府誌
奸禁暴民皆懷之擢浙江右叅政
○龔篋蒼梧人舉進士擢嘉定縣丞有能聲歷遷兵
部郎中以老成見推特陞廣東左叅政
○李芳融縣人景泰甲戌進士知湖廣夷陵州律已
清儉臨民平易累官雲南左布政使以勤慎著聞
○甘崇馬平人領鄉薦任湖廣臨武知縣宅心仁恕

○律已清廉特方董督管繕而善於撫字民不知勞

興學校為監司所獎稱為時之循吏云見湖志

○伍璣容縣人任靖州知州賦性剛直持廉秉公興

廢舉陸革除煩苛教育生徒後以不獲當道去官

人到于今惜之並見湖志

○李養博白人任湖廣廣濟縣簿立心公平待下仁

恕深得民心任滿保留陞七品俸致仕出湖廣通志

○莫思臨桂人仕至工部郎中陞常州知府以正直

自持稱為賢守從侍郎周尙重濟蔡涇人獲其利

負敬臨桂人進士任監察御史激揚有聲陞湖廣

司副使

○徐賢字遂良臨桂人性敏舉優登刑寬榜進士任

○甲第十人國朝廣西甲第之高自賢始歷刑部

主事員外郎陞廣東按察司副使綽有政聲年未

六十即引疾致仕鄉人高之觀湖志

○楊璉臨桂人舉人任兵馬指揮陞戶部員外郎以

廉慎見稱年逾五十即引疾求退以耕給少

夫多重之

○邢正字直夫慶遠衛人進士初任戶部主事成化

間陞廣東廉州府知府鄰境賊寇猖獗以恩信

賊皆悅服復流亡百餘戶捐贖耕牛種子以給農
作奏革冗官分給過池田種秧虎患民甚德之復
改知廣信府尋陞雲南右叅政

○劉坦字士真臨桂人任江西南昌府學訓導復嚴
行飭學士張元楨檢討莊景俱重其為人元楨為
其母作墓志謂士真去吾失賢友矣別號平齋起
嘗賦平齋詩贈之

○鍾英字世傑陽朔人舉于鄉首解弘治間任儋州
知州公廉簡肅興利除害崇學校增田畝民蒙其
利在政八年不以妻子自隨卒于官囊橐蕭然

○陶魯成之子以蔭授廣東新會縣丞有異政累陞
至布政使與白沙陳獻章友善獻章嘗有東亭奉

別憲副陶公詩稱為能吏云父老連村樵童船東
亭西日引長篙是
宰官今憲副後來新會古岡鄉指揮戎馬能千里
表裏山河揮一方太史但收能吏傳昇平不必問
桑耕

○劉琚字宗玉臨桂人任松江府推官擢陝西道監
察御史出按河間保定激揚有聲鎮守大臣為大
書桂林秋月及栢府春風以贈之尚書倪敬記其
事文後陞陝西副使英廟復辟謫雲南景東
衛經歷引羊致仕以壽終

○陳瑤字仲華全州人進士初任知縣陞御史立朝剛介不避權要出按陝西四川三省甚有風力官至僉都御史兄琬登進士至工部侍郎俱嘗為通政司通政兄弟並居銀臺亦衣冠盛事也

○黎暹蒼梧人舉人任桂林府同知性廉靜鯁介且有節氣初都御史韓雍入廣始刑宋英百僚震懾有司時見寇寇暹獨不克韓深訝之由是愈以清白自持益有政聲後引疾歸囊橐蕭然鄉人皆高之

○黃諭臨桂人舉人初授兗州府同知時歲歉行所屬發粟賑濟值秋水為患嘗與效力築堤三載考最陞本府知府未幾丁外艱服闋適兩廣徭寇猖獗都御史葉盛奏改肇慶府至則剔蠹剷弊百廢漸興築城池修學校又奏祠包孝肅公以風後進後都御史韓雍保陞廣東左叅政仍掌府事先後歷任十五年盜息民安郡人至今思之

○胡倬字用晦臨桂人舉進士賦性剛敏任戶部主事員外郎累抗宦臣下錦衣獄直聲昭于一時後擢陝西僉事轉固原兵備副使

○劉天麒字仁徵臨桂人舉進士任工部都水司主

事管只梁洪操守清謹力除宿弊不避權要正德
間為逆瑾中傷被逮詣詔獄拷掠無所得謫貴州
安莊驛丞卒于官嘉靖初以言者論詔復其官仍
賜諭祭褒之

贊曰君子之仕行其義有四焉律已之庶也蒞政
之公也恤民之仁也體國之忠也有一於此足稱
賢矣廣右文獻於前無徵周時可氏始創之唐平
侯氏黃仲實氏繼纂之所條行詎無碑誌傳狀可
訂其辭大率質而簡是故靡得而詳覈去取焉姑
論其世則清忠如唐諫蹇諤如蔣炳文廉靜如唐
俊人才畧如李守柔秦仲禮陶魯學術如唐耕
績如邢正彊直如黎暹其殆遠然者乎

廣西通志卷第四

人物傳六

宋蔣公順清湘人遠祖秀東漢末居零陵四傳為
 蜀大司馬安陽恭侯琬又十傳曰在根唐初刺零
 陵沒堯湘源子孫因家焉又十九傳為忠貞號龍
 溪翁生三子少曰奕奕之族兄曰元夫皆學善屬
 文兩請鄉薦書殿不欺游張南軒陸象山之門作
 本宗譜系序載秀而下迄今凡一千四十餘年世
 數歷歷可考宗族散居他鄉其家風大振重源而
 務本慷慨而好義奕生三子公順其次也壯歲即

學舉子業精研義理之學從鶴山魏子翁遊者七
年所得益廣鶴山和其詩曰發揮孔孟真三代補
葺羸劉破六經其推許可見矣築室湘源命之曰
文鶴鶴山發其義為之銘特為親老求仕會別之
傑制置兩淮堦公順與俱以解央豐園補官監施
州靜江稅再調沅州黔陽尉辟常德府桃源令未
赴而卒嘗著龍溪翁家傳以揚潛德凡師友辯訂
微言輿論凡千餘紙燼於開慶之亂其甥閻起巖
僅存二三因得以考其言行梗槩云

國朝唐朝字用大興安人狀貌高古天性嚴毅自幼
聰敏讀書一覽輒記年二三如成人授業於鄉先
生唐賜之門同門見其立志不苟皆推讓之嘗慨
然嘆曰宋世科目盛行吾廣儒風之盛莫吾邑若
吾里尤盛吾宗又其最高何元朝設科三十年無
一人入彀者豈英才昔豐而今嗇耶抑人事有未
至耶遂立志於學值科目中廢復興甲申科與族
弟廣偕克貢試鄂省不利迺携書遊西湖茶陵西
疇劉先生而請益焉先生見其文大奇之稱爲豪
傑明年丁亥果中選授辰溪教諭於是廣右士風
莫不躍然思奮時有司取舍頗相異同既揭榜復

態身風味江上派游... 天... 與不勞屋前口... 學士劉三吾以詩東之有

一拍昔聞顯雅操五無今喜得閑居之句

○光裕字南賓其先浦江人元末家于全以字為

○洪武二年應賢士聘至無棣轉膠州同知尋

○子助教兼翰林檢討常侍 經筵講洪範九疇

是詳明 太祖喜 御書天下會講書陳南賓于

○柱壞之相蜀獻王有董仲舒風卒 賜祭葬焉

○周琦馬平人天順壬午領鄉薦後讀書林下一十

九年成化辛丑乃登進士第所著有東溪口談十

八卷自為之序又設為問答以發其立言之義有

問之者曰予著史異諸皆可行世獨目談錄不可

歟琦曰不可前儒濂溪之易通橫渠之正蒙康節

之皇極經世元定之律呂新書九峰之洪範皇極

下此若李贄之道德莊周之南華楊雄之太玄王

通之中說與夫荀列之傳皆有著述立言以傳世

者也琦自秋薦後復居林下如蘇武在匈奴之年

非儒不接非道不談惟體驗天地萬物之性以會

經傳之旨根聖賢儒先之說暨聞於人者悉錄之

蓋徐快弱息之成以詭謀耳豈立言以傳世哉然

堯舜禹湯文武周公孔子孟軻道之準的也周程
張朱以及北許南吳道之羽翼也不審視其羽翼
安求準的而道之故曰所談者審羽翼也求準的
也豈別為一家之說以傳世者耶其所著儒正篇
論薛河東之學有曰吾師伊洛閻先生謂薛文清
公崛起於數百年之後心印濂洛神會洙泗學以
復性為本言以明性為先其言曰六經四書性之
一字括盡又曰孟子之後道不明是性不明也至
論所傳之要曰明此性行此性而已又曰韓子謂
世無孔子則顏子不當在弟子之列愚於先師亦

云則其學之所傳有自來矣所謂閻先生乃河
閻禹錫也所著有自齋行要等書行于世
贊曰儒者貴天人明六學達治體兼內聖外王而
有者也孔子曰女為君子儒無為小人儒要亦究
其心術而已鄒魯絕緒荀揚亂之董與韓其猶醇
疵之間乎迄有宋諸儒出而後粹如也然其說益
詳矣蔣公順精研理實唐朝圖闡心義周琦體驗
性原皆能山斗乎一方而學者宗焉豈亦聞濂洛
關閩之風而興起者乎

人物傳七

人物傳七

五

唐曹鄴字業之陽朔人由進士刺洋州至祠部郎中有

詩名鄭谷送曹祠部歸桂林詩高名已求古韻

凡日晚便歸休雲鶴深相待公卿不

紅燭晏寺宿翠巖樓觸日成幽興

聲漢雙雨葉色驚鷺秋夕列如

蒲席春歡足勝簾日暖風頭道暢應

問牛終朝食教品味爽救寒流

戀白由小生誠淺拙早歲便依

公常見憂遠胎陪宿直首薦向

子朝一時詩人如鄭谷輩皆自以為不及

宋唐則字世範興安人天資穎秀少以學行稱登大

中祥符五年進士築館授徒以身率後進雖盛暑

祈寒不少倦經史皆訓成一家言二子叔夏叔和

繼登第所居山號狀元峰

○王之才洛容人與張亞卿齊名慶曆間登第歷官

至朝議大夫工部侍郎

○張亞卿洛容人種學積文願老不衰皇祐初擢廷

對見黜後不預計偕郡守鮑安石奇其才以遺逸

薦尋登鄭獬榜進士官至朝議郎廣州通判

○李時亮博白人嘉祐中舉進士累官知廣州有治

聲嘗獻平邊十策及䟽時政得失神宗嘉之累遷

檢校散騎常侍兼御史大夫時亮喜屬文尤長於

詩與陶弼賡和號李陶集

○何浚字巨源宜州人宣和八年貢赴辟雍天子幸

○學問春秋疑難浚答稱旨賜進士出身

○謝洪武宣人與弟澤皆博學有文號謝家二鳳宣

和間相繼出任凡朝中士夫遷謫於此多館其家

○李用謙藤州潭津人自幼警敏博通經史登紹興

五年進士累官秘書郎兼崇政殿說書歷侍御史

○左右司課有直名上時政十六事皆切時利病官

至祭酒生徒服其學行卒贈銀青光祿大夫

○石安民字惠叔臨桂人少穎銳不凡苦學登紹興

十五年第為象州判官累遷免獄稱其明恕分教

廉藤二州文風大振喜為詩可麗雅潔末年歸於

平淡有文集晚知吉陽未赴而卒安民早從路允

迪沈晦胡寅遊尤受之於張忠獻及汪應辰其後

張孝祥帥桂益敬愛之有詩云北城石先生終與

渺無津南方鳳之徒瑞世五色文為榜於堂曰瑞文二弟安待安

持皆賢能文人號為三石

○李奉政藤州人用謙姪博學能文登紹興二十一

年進士嘗上書言金人有入寇之志不見用出知

戎城縣俄知和州上論舉事又論割唐鄧海泗州

與金人和不可累官翰林學士國子祭酒

○毛奎字子文昭州富川人淳祐間知吉陽軍能文

章通術數知地理修城池移學養士嘗作大小二

洞天記及詩數篇人皆膾炙之見瓊臺志○富川有江東書院宋淳

祐間澹然居士毛基建基與奎字相似蓋字之誤今平樂新修郡志又作毛基蓋又因基子而誤也

夫以奎之學行如作者不惟遺其事迹乃并其姓名而誤之豈非斯人千載之恨耶茲故表而出之

其所作江東書院碑見書院類下

國朝莫敬山蒼梧人洪武中由明經舉任本院儒學

訓導秩滿推其才學卓異陞河南布政司叅議

○李璧字白夫武緣人累官雲南臨安府同知所至

興學校厚風俗爲首務時目爲儒吏性喜著述績

學績文寒暑不倦以薦陞南京刑部員外郎未任

至桂林疾作卒時論惜之

附

唐曹唐字堯賓桂州人爲道士大和中進士及第咸

通中仕爲府從事卒作游仙詩百篇或斬之曰堯

賓嘗作鬼詩何也唐使舉所作則曰井底有天春

寂寂人間無路月茫茫非鬼詩而何唐乃大哂今

集中不見然他詩及神仙者尚多

宋粟大用武宣人年九歲大中祥符間以通五經應

童子舉至汴京入見真宗奇之特補登仕郎後仕
至南雄太守

○石仲元者七星山道士也負能詩名世傳其警局

如石壓木斜出岸懸花倒生之類甚多學詩者不
遠千里而來有南嶽處士廖融者亦至時揚徽之

源融因誦仲元數篇徽之大稱賞目為王方
仲元於詩自謂妙究精微雖權貴求索未嘗

或然其太執仲元曰拙道而信人吾不為也
明去集申巧麗者則曰詩者儗象而達意也象

非阿靡可見言非迂蹊可傳象麗而意達不亦至
大禧中將歿召門人潘著謂昨夢得句云地連

野東西去水接朱川次第來此吾有生之患榮
富然未喪之文子其嗣之盡出平生所作詩三

使傳焉淡句而歿有桂華集行于世
是于群玉與仲元為詩酒交至京以其詩示左

夏侯嘉正驚異為之序略曰詩人之旨
屈而不伸久矣今石君復以茲道振於楚國石君

負不羈之才松筠讓其節冰玉湛其懷每一聯一
句未嘗不以正得失厚人倫美教化敦風俗為體

也惜其詩今不傳

○王應辰興安人九歲能誦九經作春秋語孟義兼
講子史貢於禮部慶元四年赴國子監試中書省
覆試並通免文解三次

○王應中應辰從弟年九歲能誦九經作周禮語孟
義并講說語孟貢於禮部嘉泰元年赴國子監試
中書省覆試並通免文解三次
贊曰道之與文其猶形影乎東翰搗詞徒屋雕蟲
鳧藻求其言之幾乎道而不可得也則視童而
搏影者亦奚以異甌駱文人於斯盛矣首倡風雅
則曹鄴博通經史則唐則何浚種學績文則王之

謙達材通藝則莫敬山毛奎兄弟竝鳴則三謝三
石皆足以鼓吹五經黼黻有氏焜耀一代苞羅九
流彼徒以聲律記誦而已者風斯下矣故亦附焉
若乃柳州計宗道者以著述顯戴欽者以歌詩聞
其事皆闕如也記載弗及則聲跡日湮者蓋亦多
矣可勝嘆哉

人物傳八 隱逸

宋常旻澄州上林人閉戶讀書無所不通鄉人以書
筭目之元祐間應舉不第遂隱於羅洪峒據山林

石泉之勝尤善導養之術號白雲先生

國朝胡崢臨桂人隱居尚志讀書賦詩敦德履善未

樂丁亥詔徵至京師入文淵閣與修宋樂大典

隸翰林甲給大官酒膳書成將授館職以老辭不

拜遂歸括蒼徐用干聞人陳安仲皆為作所居環

翠樓記述其歸隱之樂弘治間學士張元禎有跋

謂崢天下士云

○黎廣德蒼梧人有隱德每以孝友訓子弟壽至百

有三歲有司嘗延之鄉飲歲時加存問焉子祐為

楚府審理廣德以老不能從天順間移居城不可

避乃衣紅褐兀坐廳事中寇造庭見其老不忍害

乃撫背曰吾勸何壽若此願得紅褐以貽我壽即

解予之冠皆羅拜且遺之米與一牛尚後築新城

知府吳棗親禮之德因歌落成詩以聽其言

不稱歎而一特卻人皆呼為百歲翁云

贊曰夫溟海之禽不以樊籠服養擇故之質不以

斧斤致用彫落萬象玄心獨融其惟逸民乎常旻

幽棲白雲胡崢解榮彤璋黎廣德葆和逾願感動

狂逆易稱高尚詩美考樂蓋亦庶幾近之

交游甚密山谷書折桂序三大字贈之且謂之曰
○君家精慶後必有登進士科者其後子孫請鄉舉
就恩科者相繼至矣登登周震文榜進士次登登
陳文龍榜進士以為山谷折桂之讖至是始驗
○滕處厚字景董清湘縣人實謨閣學士謚文肅陶
崇之甥也少穎拔不凡選於春秋名動場屋再請
于鄉且評益歸重戶屢常滿議論慷慨好言天下
事有特獨游鷓鴣山魏了翁遷渠陽日處厚往從之
遊鶴山奇之留置門下教其子凡論著皆獲與聞
又為銘已無兩勉以古人為己之學後調柳州馬平

少尉再辟潭州甘泉酒庫兼帥幕居官守正不阿
人稱其迂曰迂吾所自取也終不以此易彼予愧
予之不迂也有謂予迂者三披襟當之其立論每
如此易簣炯不亂談笑賦詩而終

○廖遠明清湘恩德鄉人能文辭尤長於樂府少不
羈尚氣詎陳了翁南遷過全日州郡待之甚嚴無
敢近者遠明獨於逆旅中相問勞如故舊了翁後
北歸適龍圖學士折彥質亦賦嶺南道遇之既不
獲家又以瘴癘為憂問以南中相識了翁即以遠
明對折謁湘山邂逅與語甚悅知其可仗欲與之

俱遂明慨然從之一日渡海風濤大作遂明持劍厲聲曰有宋忠臣在此風濤遂息後數年折得還而遂明死折作詩吊之乃官其一子子名國朝蔣楫字濟之全州桐壠人博學善屬文元累舉進士不第洪武間以學行薦官至衛府紀善其詩文鄉人多傳誦之入道

○張敞字德廣鳳陽壽州人襲授桂林右衛指揮同知征荔浦有功陞指揮使弘治甲子擢巡府江副使雷士旃有由府江還省敞護之行遇賊於桂牙灘奪舟敞亡半所部與敞賊衆雷懼不免欲投之水

敞遽前抱止之賊矢下如雨常以身蔽雷為流矢所中敞猶奮呼張弓殪二賊賊始退明日矢毒發乃卒鎮巡高其義令有司致祭具棺斂子經有才畧今充廣西副總兵人以爲食其報云

皆婚娶凡三十六年太平興國初復見時人異之
○馬氏全州人馬麻女淳祐十年正月父病殆割股
不救之鄰里聞于本州知州朱季恭給米酒以生之
於所居建孝院賦詩以述其事馬氏後適城東
蔣珙為本州副孔目仕元至清湘縣尹後廣軍攻
城珙死之馬氏以素縗入谷士與馬氏曰
元文氏興安人前進士文少貧其女嫁為唐斗輔妻大
德中斗輔任賓州幕官卒文氏特年方二十餘哀
慟幾絕執義自誓不養舅姑舅姑沒塋祭無遺禮
至治中紹旌其門不中順帝時為皇子在桂林潛

即營書節婦二字賜之

○脫脫真者蒙古人父八哈納任潯州路達魯花赤
女年十九嫁為本州達魯花赤赤相兀孫妻嫁甫
踰年夫病且為世湯藥日夜不少懈泣謂曰倘或
不諱誓必同死無何夫死鬻奩具備棺殮哭謂家
童曰我誓同死如我死則開棺合塋慎勿負言也
遂不食而絕聞者莫不哀愴廉訪司僉事賈閻承
直勘實具奏旌表其門立碑於郡以敦勸風
俗

國朝莫氏平樂縣相民王守敬妻守敬死時年方二

國十有五無育三下有成遺幼子善充學弟子貞守
節四十年洪武間有司上聞旌其門

○龍氏縣人夫王克讓以疾卒龍氏結縵奉養舅
姑舅卒殯塋以禮姑憐其少欲更嫁之龍氏曰死
為王氏婦豈可再適他人誓以死自守未幾聞旌
其門

○覃氏融縣太平林人其長壽妻克盡婦道善事姑
舅老勤紡績年二十五長壽歿遂屏去服飾終身
無二志初長壽歿舉方娠六月始生子昂後有二
孫有司下其事上統朝詔旌表其門

○沈氏金州人教諭陳學顏妻學顏早卒子處厚方
數歲妻守志不渝姑憫其年少陰使人諷之妻泣
曰吾夫何辜其孤又何辜而忍使我委去之他邪
且吾聞之烈女不更二夫姑脫不諒此心便當一
死以從夫君於地下也姑懼議遂寢養姑孝不少
衰未幾初有司奏旌其門

○唐氏臨桂人趙存質妻夫亡時二十五歲姑老子
幼唐氏養姑撫幼勤苦五十餘年守節不變成化
十三年有司上聞旌其門

○陶氏臨桂人舍人徐駿妻卒于龍州陶聞訃哀毀

○如刺血寫詩四句云無兒難歸婦烈女不二夫夫
死無子不如一死藏之篋笥以衣衾悉遷姑舅遂
自經死死之日遺書女姪而吾心事盡在篋中
○啓之得詩事聞旌表其門
○丁氏臨桂人劉鼎妻夫亡時年十九歲有子淳方
三歲姑萬氏欲奪其志丁氏堅不從守節五十七
年始終不變成化十三年有司上聞旌表其門
○陸氏柳州衛人其夫殷傑早死陸時年二十有三
且無子守節居喪盡禮服闋不事鉛飾事舅姑處
妯娌各盡其道其姑憫而慰之陸謝曰修短有數

孀苦有命當自守之城中西室聞其賢爭欲委禽
焉父母亦欲奪其志陸氏閉門大慟欲自盡父母
懼而止後以從子殷輒為子撫育教誨不啻如己
出年八十餘乃卒清白無玷人無聞焉
○陳氏融縣人壬辰進士李序妻年二十七序卒于
京師陳慟哭絕而復甦遂扶柩還鄉獨守一室雖
至親莫見其面弘治十四年有司上其事未奉旌
表

○徐氏平樂人文昌縣簿徐達長女嫁為庠生范綸
妻綸領成化丁酉鄉薦登甲辰乙榜請領附近以

便養親遂授靈川縣教諭蒞任未幾歿于官時徐
○年二十有二奉柩還鄉誓不改節撫其孤希
仁成立遣為弟之首

○李氏柳州衛人來賓知縣龍女也嫁都指揮孫震
之子傑傑死時年十有九守節四十年清白自持

○正德二年具奏六年奉 詔旌表其門

○周氏柳州衛舍人曹亨妻亨死時年二十八守節
五十四年無玷正德六年同李氏奉勅合旌表

○宋氏南丹衛舍人宋禮次女年十八適舍人甘
誠生一子未百日而誠卒家求為配者毋憐

其少欲許之宋氏抱孤泣曰婦人或無子者尚知
守節况吾有子又為世祿家改志他適何以自立
於世邪遂焚香告天矢死不貳撫育子霖有成以
軍功陞都指揮食事以勇畧聞後為擢慶泰將正
德十二年奉 詔旌表其門

○簡氏雙節者俱馬平人曰李氏福建布政司經歷
簡文之妾文有女曰元贊陶吾智為婚文與正室
郝氏連年下宮二婦與二孤輔弼扶養以歸道至
深定遇賊吾智與賊抗溺水死李被執解囊出
白金啗賊即投水湍流激達泊岸得活簡與吾智

歸終夜相誓守節或憐簡年又強使改嫁簡將自
刎乃止時家甚棘甘貧撫育二孤後輔登進士弼
亦領鄉貢賴二婦以成之也給事中徐文溥為之
傳雙節公卿大夫咸稱味之提學副使劉節按境
嘉之致祭且遣師生存問焉

○彭氏 都嶺里民王尚忠妻慶遠衛舍人欽之
女幼姘姘貞淑年十八歸尚忠甚宜其家姑孫氏
願老失明彭起坐必扶持之凡衣服飲食躬奉以
進務得其歡心如此者歷三四年尚忠專以農課
充都司承差携彭與偕居青廨僅四月每思其姑

輒垂涕欲一歸省未幾尚忠以次當奉差之京因
乞假送彭西歸舟次落黃灘遇兇渠梁萬玉輩二
十餘賊突出行劫見彭色氣逼近欲擒之尚忠素
勇左持盾右持鏢與賊相持時身中數鎗墮水死
賊拽彭登岸慰之曰汝婦人決不殺汝可無死即
令賊黨數人守之復入舟取其貨彭泣曰夫死我
生何為遂投水死賊大驚皆遁去越數日尚忠父
琛往覓其屍下至里隆灘見二尸拉浮水上顏色
如生見者無不悲說彭死時舟子共章者避石後
窺聽之因得其詳有司為上其事乞旌之未果

○梁氏蒼梧舉人李實妻年十九而實死遺腹生一子辛勤撫鞠至干成立事姑甚孝也姑所欲雖貧必極力辦之姑死或諷其再醮輒以義斥之貧日甚而節愈堅後子又夭子婦他適梁撫其孤備極慈愛鄉人以比李密之祖母云提學副使周孟中聞而賢之獎以羊酒知府張吉亦給以布米其實奏聞而梁氏卒

○傅氏懷集民潘聰妻聰客死於外同客者以其骸骨歸傅氏抱之號哀幾絕及葬傅曰吾必從吾夫于地下遂縊後園樹鄰人往救不得死衆去乃歸

經于寢室諸親為具棺斂合葬夫墓順德黎暹作

節婦吟以哀之

柳折懷水風花落懷山雨潘家之妻傅家女年少良人死羈旅旅魂

依依旅骨歸抱骨長號骨無語蕭蕭後園樹圍樹枝頭不得死歸來死向深閨裏許君心還君身生同枕死同墳夫亡見烈婦國破識忠臣如何宋代賈餘慶視棄君王如路人

○梁氏者平南舉人梁堅女也自幼貞淑適廂民楊

原英長子元甫元甫早死遺腹產一女時年二十

四勤儉女工孀居貞潔內外稱賢事舅姑無異夫

存日後舅姑俱歿盡送終之禮贊舉人方祥為孀

無何女亦死終身獨居閨儀甚嚴肅年七十九卒

○蕭氏南寧衛右所舍人陳鋼妻夫亡時年二十九

守節三十六年無玷累行覈實復奏正德二年十一月奉 詔旌表其門

○萬氏滕縣庠生林俊妻年二十有六夫所天撫育孤子廷栢方二歲天不再適孀居三十餘年姑八旬有二侍奉克謹鄉無間言嘉靖五年提學僉事

唐曾獎勸

○譚氏名趙相蒼梧耆民譚思徵之女舉人歐良妻也良死時譚年二十有二且無子譚苦節自守以死自誓孀居四十餘年而節愈勵閭閻之內斬如也有司將欲具實以聞未及行而譚卒

進士陳新妻蔣氏年二十八無子守節凡四十年生貞蔣得妻張氏亦年二十八無子守節凡三十年一年舉人張激妻宋氏年二十二亦無子守節凡二十八年皆可旌者三婦俱全州人提學僉事黃佐為書扁以表其門命有司用鼓樂送至其家云李氏藤縣人巡檢李趙海女義民胡瑛妻瑛死時年二十五無子誓不再適事姑以孝謹稱姑沒殯塋以禮惟一女擇弟子負婿之年幾六十內外無間言有司以李及林俊妻萬氏聞于提學僉事黃佐俱扁其門以旌焉且勞以年酒

吳氏蒼梧人瓊州府教授劉宴妻無子謂宴曰無
後爲大若尙爾無慮耶盡納妾以爲後嗣計宴然
之遂納妾生子曰震甫期月宴卒家以廉貧族黨
有勸吳改適者矢心峻拒植曰震甚力曰震年十
六領鄉薦人以爲天昭其節比年六十二孀居無
玷聞者嘆服
贊曰女德坤也其教陰也惟坤故貞以順惟陰故
靜柔而動剛是以義烈之發身隨霜隕節與日皎
雖丈夫有所不逮焉者粵南之俗青徵于蠶也以
矣予按部所至每諭使明睢鳩之義誦相鼠之詩
謔譏有聞亟行旌勸凡以振類也夫鍾氏婦勗子
以忠馬氏女事父以孝王尚忠妻遇寇死潔真可
以垂風軌於亡窮若乃抱骨自盡如傅氏聞計自
盡如陶氏矢死同穴如脫脫真氏抑非其次者乎
烏虜華而男者吾見其降虜販國交踵而是也婦
女乃有是哉

人物傳十 方伎

宋俞仲昌貴縣東郭人少業儒不求仕進不趨俗好
樂施捨精醫術治人多不責其報鄉人尊爲老先
生名公碩士多爲篇什以揚其美宣和間郡守朱

洪贈詩云業本儒為貴功先利所誇名傳三世業

道冠九流家御義忘人爵言辭重齒牙詩成發洗

嘆頓覺樂無涯蓋亦高尚之士云見貴縣志

國朝傅霖臨桂人以醫名於桂累著奇効所活不可

勝計操行不苟為鄉人所敬服桂之業醫者以不

出其門為恥至今人慕之

贊曰古者道術合而六府協於箕疇叔季道術裂

而九流叙于遷史矧茲荒外而求圓機之士哉甘

石之經巫咸之說姑布子卿之識司馬季主之禱

五見其終妙矣俞傳一醫其始有恒者乎

列女

○袁氏世為全州著姓年十七嫁為同里蔣文妻生

一男未及替而文沒矢不再適孀居五十年內外

宗媼稱之無間言御史鈕清叅政洪漢僉事陳嘉

謨及州之守貳皆嘗以其事先後聞于朝旌門

之令未及下而袁卒卒年七十有七

○馬氏世居全州之粟家渡歸蔣文從弟輔六十年

而輔沒無子守志不貳家貧手自紡績以為朝夕

糊口之資往往至夜分不寐雙目為之昏耗猶勤

苦不息弘治中知州官相同知童璽兩以其苦節
事聞其後藩憲重臣亦嘗先後具奏旌門之令皆
不果下方伯周孟中特詩以美之知州陳璜大書
貞節二字表其門孀居五十七年壽至八十有七
卒

○桂州甘氏年九十可封太孺人制

朕恢崇孝治尊禮高年嘉涵養之遐區有期頤之
壽母爰加封邑以厚人倫庶幾萬里之慶門尚見

七朝之遺俗

右宋紹興間事
出汪淨溪集

廣西通志卷第四十八

廣西通志卷第四十九

仙釋傳

大道隱而人心惑聖學不明而無備之言行其為患
滋大者二氏是也廣西之民貧矣然浮屠老子之宮
隨在而有稽諸郡乘所載仙釋大都亡可辨者而俗
崇信惟謹闢而離之則巧為隱護雖保軀命無以過
故為之傳而實辨以破愚云於唐五人曰日華君月
華君乾寧中臨賀令鄭冠卿赴調止桂林入棲霞洞
遇二道士坐石上奕碁觴酒命一青衣奏笛後音
律非人間所嘗聞者與酒僅消滴出洞倏不見冠卿

遂絕利名退居馮乘壽一百四歲知者以爲向所遇
 乃日華月華君也夫先王之制絕地天通使民入山
 澤林藪無逢神姦冠卿所遇安知非魑魅耶抑既壽
 考而眩奇以誑俗不可知也曰尹氏女全州人幼不
 事鉛飾煉丹葆真大曆二年上昇好事者於所居紫
 潭上建尹氏觀至今爐竈存焉折身實詩當門懸象
 一線白地空庭又鄰室大
如北蓋 詩頌含韻 仙家之說蓋嘗究之所謂黃庭內
 景求鉛爐鼎皆非外物尹氏所遺乃有器焉仙果在
 媛邪女仙謝自然白日上昇韓子詠之謂雲惚事

恍惚然則尹女其亦自然之流邪是不可知也曰全
 真者 州人至德初遊湘源初淨土州刺史常宙遣
 使禮迎之人於四門各見其入莫知孰爲真者其他
 變幻不可殫述卒年一百三十二歲其遺說至今猶
 在湘山寺妙明塔歷代謚爲慈祐寂照妙應禪師又
 謂之無量壽佛五代時因改湘源爲全州以其故也
 夫釋氏書梵言唵繆謂佛覺也以明而覺者曰熾盛
 光佛以久而覺者曰無量壽佛類此甚多是皆亡是
 公之類也俗以真壽長矣遂家此號而神異之壽既
 無量而終亦必死無乃悖乎曰陸萬里字服休河東

人避黃巢之亂入南嶽遇道士軒轅彌明授以仙術
且謂曰子得道當在山窮水絕處乃陝漢隱宜之北
山遠轅嘗寓其生家生每往謁輒與語塵外理贈生
以詩有露下瑤簪濕雲生石室寒星壇鶴舞丹竈
虎龍蟠之句手植異桃靈藥至今不凋山上有井水
色紺碧異常禹臣後尸解仙去宋時嘗有人遇之問
其童子曰此紫府仙伯陸仙翁也夫道士軒轅彌明
見韓昌黎集中蓋出一時寓言而禹臣乃傳其術恣
哉繆矣今詢諸宜之人皆曰北山異植榛蕪已久則
其虛傳不待攻而自破矣於五代二人曰譚氏二女

仙者平樂人隱居誕山修黃老術後莫測其所往往
有老翁饁田倏然遇之方若旱二女索飯飯已謂曰
吾謝汝以雨可乎雨即應聲大作翁隨尾二女登山
椒不復見惟一巨石其上衣帶存焉為岸二女之去
世久矣化為異物游魂為變翁之所遇豈其鬼邪於
宋五人曰雷隱翁名本桂州人少孱弱不群既長業
進士再試不第即棄去默坐終日或謂其癡笑曰終
不以吾癡易汝黠後逸游不知所之宋元祐中有命
使游羅浮見本嘯傲松下自道姓名云雷隱翁乃知
其仙也世之謬相聞問者吾見亦有矣陽谷而龜峯

已不知其誰某而况萬里之候隔邪白盧六香山林
人生而性不食肉一日往獲大山見二白衣為變幻
可駭因謂曰汝且去更三日可來授汝以道如期而
往端坐石上無言而化鄉人以為尸解蓋六之喪心
久矣心喪則為異物所惑此其所以死也曰劉景字
仲遠桂州人初為屠後為商常販私鹽遇方士與劇
飲授以片鉛能制銅鐵為金詰朝失方士所在景自
此遊方之外常至京師館賈相昌朝家二十年冬夏
二裘終日不食飲酒大笑旁若無人所談老莊周易
宵寐玄妙皇祐中還家容色如少年而妻已皓首人

皆異之乃柶南溪山石室中妻等往省至則有毒蛇
猛獸不得進嘉祐特遣使李師中訪景贈之以詩儼
諸猶龍焉元豐八年九月忽召其子謂曰不便火我
其夜無疾而卒年一百十八歲舉火燃棺棺忽自啓
中惟布袍條履存焉後百餘日康州合浦還珠驛有
得其所致家書者乃知景羽化矣夫景以延年理或
有之尸解羽化得無近彭生伯有之事邪曰武志士
者來賓人修煉空山人禮為桑門師者出赴齋供即
架青布幕為橋可達六七里外皇祐初白日上昇因
名其山曰武禪山夫白日上昇者不待言焉布為橋

誰則見之果信有之則人將敬而傳之史必書之矣
今宋史固在也妖異處雜述于窮荒罔不載也豈有
是哉曰歸真子者不知何許人住州唐子正讀書真
仙觀一日有道人相過授以方書而去後物色之不
可得治平以領薦赴京師至全州僕病不能行忽遇
黃冠似相識者與之道書乃稱道人也笑謂曰吾為
先生僕可乎遂代病僕有擔而前其行如飛常先百
步許同行者恐其逃乃疾追及之道人即別去後年
餘子正卧疾惠州湖陽驛去全州已三千七百餘里
而道人以告別之曰留書驛使視其紙題安皇拜

唐秀才歸真子謹封發書惟一詩云玄山相見又之
全不遇先生道未緣大抵有心求富貴到頭無分學
神仙箇中靈藥宜平爐鼎內丹砂莫妄傳待得角龍
為燕會好來黃壁卧林泉子正人驚駭始知為異人
然結語莫曉後為邑管機宜攝倖事臨寧丙辰交賊
陷城遇害死於州治黃壁亭中乃知詩語告以其死
地也角龍蓋指丙辰也歐陽闢為撰唐少卿遇仙記
夫世之挾異術預知來事以取奇驗若歸真子者不
知若而人而畫可目為仙邪要之遺家者流肇自老
子道德之說其後流入巫鬼如張道陵寇謙之則其

魁也其言曰無先慮慮是生妙一從乎妙一分爲三
元又從三氣變生三才三才既滋萬物斯倫所說有
洞真洞玄洞神之書一是以虛無爲本蓋竊三生萬
物之餘緒而枝蔓之至其所謂神仙亦不出乎谷神
不死是謂玄牝數語使神仙真能後天地而不死則
魏伯陽呂嵒之徒今安在哉是不足辯獨佛禍入人
視老氏尤深蓋人之情孰不願貴而既貴者憂其復
賤孰不願富而既富者憂其復貧孰不願安且壽而
既安且壽者憂其或危以死佛乃爲欺以中其情曰
衆吾能生女安女貴且富女倡生死輪迴福田利益
之說以號召之世之愚者莫不惑而奔之由是修佛
事者自以爲富弗復貧貴弗復賤而安且壽者弗復
危以死也然貧與賤病與死卒有時而不得離既入
其術則亦不敢復以彼爲非也彼復度夫貧與賤病
與死之不可免則其伎有時而遂敗於是又爲欺以
濟其窮曰西方有極樂世界焉修吾業者必往生于
彼則貧且賤以至於危以死者皆曰吾將至于彼而
又何計乎此也此世俗之愚所以不可破也余幼時
嘗著般若佛其言曰佛之入中國也妖氣召之也佛之
倡爲異說也妖言惑之也何者周衰禮廢之政爭雄

秦漢而降先王之遺掃於一掃夫其教廢則風俗汚
風俗汚則人心蕩而邪說興氣機感者捷於聲響被
髮野祭幸有預知伊川之為戒衛人豈倫春秋書狄
人入衛君子以為致此則有由也肯先王之道寡純
放僻而無經既自納於夷狄之域矣則胡鬼之教應
其機而至焉無怪也衣之敝也而機風鏡醯之酸也
而蠶納集故曰佛之入中國也妖氣召之也世之儒
者類曰佛氏之言最為宏闊其罪福報應之說既足
以惑感愚鄙之人而其明心見性超出形器之論又
足以陷溺高明之士其徒坐食冗費既足以耗蠹海
內而斯民之和聲附影背本忘親又足以亂風俗
斯言也知其一而不知其他者也夫今之疑者固非
佛之徒而今之胡書亦非佛之言也佛居身毒言語
未嘗與中國通也其徒僑荒誕蓋不可曉而其徒強
以華言譯之是指駮而為屬也六經子史中國之人
日誦習之猶有所不詳而況於漢魏胡書也哉苟以
其徒所譯果得其真則漢明帝所得佛經四十二章
於身毒者是也譯之者知所未之極摩騰蓋比其他
差為不妄今即其書而考之則宏闊之言卒無有也
以守志行為先以戒貪慾為難以善觀盡孝為福以

生中國見明君為本樹下食宿以為身足強琴緩急以喻適中大抵以恬靜寡慾為宗其言猶近實也述夫支謙之譯氾滙道安之譯維摩詰經鳩摩羅什之譯金剛般若其人皆久染華風筆點而敏給者也往往標掠文士緒餘以文飾杜撰之其去遠恍惚不可究詰之論可考而知也老聃所謂繩繩不可名復歸於無物即五蘊皆空之說之所本也列禦寇所謂精神入其門骨骸及其根即四大各離之說之所本也賈誼所謂千變萬化未始有極忽然為人化為異物即輪迴報應之說之所本也宋玉所謂土伯九約其角鬚鬚參自虎首其身若牛即閻羅夜叉之說之所本也騶衍所謂中國為赤縣神州中國之外如赤縣神州者九即大千沙界之說之所本也天下無道辭有枝葉中國未始知佛而曲學浮言已先有是矣彼乃從而倣襲務為張大以惑世誣民豈佛之意哉氓之蚩蚩固無足喙文章之士反棄所習而習焉何也然其所本在此而不在彼故曰佛之倡為異說也妖言啓之也或曰世之名賢多惑之者何居曰奚而不惑也人有慮日與物鬪悔吝憂虞相尋於無窮而方若其窘已也見其所謂明心見性超入涅槃無相之

光徧周沙界凡有相之累判乎與已不相及也則喜而從之矣如趙清獻韓魏公劉元城皆謂因佛得者也然則盍從事於吾儒乎曰吾儒之學循序漸進雖亞聖如顏子猶倚鑽瞻忽而苦孔之卓也為學而馴至仲尼顏子之所謂樂則安肯以彼而易此哉是故主張斯道者甚矣其難也少詘於物欲鮮有不惑於彼者語曰吾未見剛者惟剛生明明則不惑剛則不詘

酷吏傳

○蔡京者唐嶺南西道節度使也初為左庶子性貪

虐多訐特相以為有吏才奏遣制置嶺南事嶺南舊分五管廣桂邕容安南皆隸嶺南道京奏請分為兩道以廣州為東道邕州為西道各置節度使以常宙及京分領之時雲南蠻陷交趾調五管兵使蔡夔戍安南京忌之陰其立功乃奏稱南蠻遠遁邊徼無虞請罷戍兵從之夔累奏群蠻伺隙不可無備乞留兵五千不聽夔作十必死狀申中書時信京言於不之省已而蠻叛兵多陷沒京益自以為得計政尚苛慘為軍士所逐奔藤州矯為勅書募鄉丁攻邕州清獻乃走桂依桂州不納隨貶

崖州不肯之官遷至寒陵故賜自盡時咸通六年也

○李瓚者唐乾符間任廣西桂州管内觀察使為政驕橫多歛賄以曲奉執政百姓苦之監軍李維周喜其佞惟薛堅石屢規之瓚不能從後為軍士所逐管内潰亂堅石攝留移牒臨道禁遏亂兵一方乃安

○劉永規者宋景德中知宜州時宜州初入版圖未久又新置澄海軍凡百供億皆取給於民民已嗟咨不堪永規嚴行徵催動輒以法繩之馭下最殘酷於是澄海軍校陳進乘衆怨殺永規以叛分兵寇掠廣西嶺南騷動曹利用帥師往平之

○朱志榮字仁叔湖廣夷陵州人性鷲悍過人無禮正德戊辰進士拜監察御史按廣西以刻削為事入其網無或脫者每揚言薦舉方面預索謝銀稍緩即陰中以禍首城察院旁有方三兒色甚妖麗志榮覘之夜屬門皂誘致卧內自知獲聞于外不能居乃往巡右江每謂兵備副使陳陽曰公可作成我陽解其意乃大索上官莫楊等金銀楊等具數請裁上下諸司聞風皆具謝禮編就送之如

潘則曰米字號林則曰木字號都指揮彭鐸為之會計公然以為當得於是潘刑日逞全刑判官莊昌期偶以事至志榮嫌其舉止近傲遂重撻之而死分守柳慶右叅將張祐盤出贓銀萬計疏聞于上逮赴詔獄復命刑部郎中顧政錦承衛千戶馬璘按問其事既覈實彭鐸乃自縊死於是志榮發責刑充軍天下快之

○俞緡字子宜番陽人先以舉人授浙教職索第于貧節儀甚於徵額稅既而登進士第歷任廣西倉事嘗曰我執法之官豈容寬假事無巨細一置之重法分巡桂林會刑卷令臨桂縣送刷格及將刷格送進責之明日送又責之縣令覺悟乃用白金鎔作墨狀黑塗之乘其暇妾之案上緡見遂笑曰如此方是刷格銓部廉之以貪酷罷廣右去天萬里吏多恣縱類此緡又其章章者他如姚鵬揚鳳之屬敗於墨者又豈可勝道哉

佞倖傳

○黃玠者思明府土夷也上世皆土官第璠以世嫡為思明府知府玠以捍禦功授丘溫衛指揮索遷廣西都指揮使守潯州者八年軍民畏服賊不敢

犯境景泰二年八月朔之嫡子鉢然不得襲珙以
計授之聚兵五千圍府執珙及兄鈞等數其貪虐
之罪併家人族自幽于獄越二日弒珙餘盡殺之
珙既圖奪嫡陰上其謀乃使其子灑陽以其事聞
于宮若欲為仲理者已而巡撫刑部侍郎李棠總
兵都督僉事武毅發其惡珙坐罪當死時

憲宗皇帝在東宮景皇帝有子曰見濟珙遣人入
京先賂用事者乃具奏請立見濟為皇太子景
皇帝大悅命禮部會多官議內閣大學士陳循
力主之將復本署名吏部尚書王翱有難色循持

筆作半跪翔不得已亦署本上如所請於是憲
宗出就沂邸大臣皆進宮行賞有差翱得所賜
元寶頓足扣案嘆曰此朝廷何等大事乃出一
蠻夷耶吾儕媿死矣珙遂蒙大赦原免復職時景
泰二年五月二日也中官有言珙功者上賜以
誥命極其褒獎道都督充叅將勢焰熏灼人多趨
其門棠遂致仕去未幾見濟薨謚懷愍太子英
皇復辟憲宗復正位東宮時珙已死命發棺
鞭尸以示監戒

○汪直者大藤峽徭種也峽賊平後以幼男入禁中

累擢至司設監太監年小便黠得侍左右成化丙申妾男子李子龍為逆伏誅 上銳意欲知外事乃命直選錦衣官校善刺事者百餘人置廠于震濟宮前號西廠以別東廠也命直管廠事凡事亡大小悉采以聞時福建都指揮楊舉犯罪匿其姊夫中書舍人董璵家璵託錦衣百戶常英營解適英正欲從直刺事而無由即潛報直謂舉將招納亡命下海諫不軌直即發官校掩捕舉至廠鞠之得一單內開贖送之數內閣尚學士及三法司堂上司禮黃陳三太監皆與焉明日直入奏出追

所挾饋送金銀數千兩舉嘗刑具如所謂意者每上毳備身骨節俱離寸許汗下如雨幾死復釋如是者三乃妾供寄在其叔武選主事仕備所遽令數校徑往兵部縛縛而來拷掠如舉又令富駕力士數十人圍守仕備第方黎明數校突入盡縛其婢妾以出褫搜囊篋已罄酒皆抄進索不已哀號徹天過者流涕仕備遂死起三日量死廠中直召御史相驗至稍遲前跪數刻乃釋遂遣英馳往關時以提官已極舉以致仕指揮秦等北上英於途疏志提官受賄回護其家屬俱坐罪請

罷及英至華家盡沒入其資產人口悉遷赴京所
過臨張虎曉有司賄贖狼藉送迎勞牛又搜得奉
每歲賄結巡按御史及在京官道簿籍揚言回宮
疏聞士夫無不喪氣會英賂敗露成遂薄去莫達
云泰至京又死于獄自是海明側白長直如虎都
御史王越首媚事之從而諸大臣皆因越附直深
自結納一日兵部尚書項忠遇直于途既過乃覺
追及下輿謝罪直不為禮尋以事遣棧平移兵部
堂屬色斥聰聰知媽將及即約詣都堂官疏直過
忠以聞越即督報上上怒命罷職命直回籍

事直入訴泣數行下因頓首曰此非外臣意實太
監黃賜陳祖生所為也上信之即調二人往南
京司香有一御史久不得權陳言直所行皆公不
宜革罷直即奉命乃舊管厥刺事御史遂驟進
用直出厥首發總通紅朝之恩遂坐貶罷去大學
士商輅亦改仕去直權勢益熾錦衣帶俸千戶具
綬頒知書營直直書直任之歷陞指揮掌鎮
撫司事言總計於是大臣附直者矣勢映科道
廷辨其已許各自陳在卿故直而進者百餘人故
是亦將終與與寧白李張有直權勢事不檢坊

訊無完膚震遂革職開任己亥初直巡邊至遼鎮
守副都御史陳鉞戎服遠送躬自除道飾厨供張
華麗見直叩頭伏地膝行而前直甚喜巡撫都御
史馬文昇與直抗禮直銜之鉞與僉都御史牟侔
有隙乘間言侔過惡遂逮侔及其姻家侍讀學士
江朝宗下獄侔賂絞得免死謫戍鎮遠衛朝宗謫
廣東鹽課提舉直還誣奏文昇妄啓邊釁逮赴詔
獄謫戍重慶衛鉞遂勸直立功直然之是年秋詔
直監督軍務征建州衛便宜生殺陞賞以鉞提督
軍務撫寧侯朱永充總兵會建州頭目六十餘人
入貢遇于廣寧直馳奏給就鴻臚演禮執而拘之
虜衆見大軍猝至無備多就擒者直乃多張首級
凱旋獻俘將入城諸大臣皆遠迓上御文華殿
以俟論功行賞直加祿米三十五石永進爵保國
公鉞進右都御史未上改戶部尚書郎中王宗彝
以督軍餉功陞太僕少卿尋改僉都御史鎮遠餘
進階有差未幾虜以復讎為辭大肆掠邊民而去
御史強珍劾直怒械珍下錦衣獄謫戍遼東衛
凡直巡邊往來所過都御史以下俱令迎至二百
里外望塵蹙伏俟馬過乃興及駐館則易小帽曳

徹趨走唯喏叩頭半跪一如僕隸拜揖之禮一切不行諂佞甚者旬日則進為侍郎時人為之語曰都憲叩頭如搗蒜侍郎扯腿似燒葱一時有名如尹旻張瑄輩皆公然為之無復廉耻色人或尤之則謝曰吾避禍也御史王億至上疏頌直行事可為萬世法一時士風澗倒至此甲辰陳鉞以罪黜黃賜陳祖生復司禮監掌事直遂得罪閒住詔盡黜其黨與直後以病死或謂直苛暴然所屠言者皆奸兇故得老死牖下嗚呼天果夢夢者耶